

藏書儒臣傳卷三十四

行業儒臣

王珪

王珪字叔玠祖僧辯也太宗登極召珪爲諫議大夫遷侍中時太常少卿祖孝孫教樂律宮中以宮伎不進數被讓珪與溫彥博同進曰孝孫妙解音律非不用心但恐陛下顧問不得其人且孝孫修謹士陛下使教女樂又責譙之天下其以士爲輕乎帝怒曰卿皆朕腹心之臣乃附下罔上爲人游說邪彥博懼謝罪珪不謝曰臣本事前宮罪當死陛下矜其性命引置樞密責以忠效今疑臣以私是陛下



下負臣。臣不負陛下。帝默然慚。遂罷。明日語房。玄齡曰。昔武王不用夷齊。宣王殺杜伯。自古帝王納諫固難矣。朕夙夜庶幾。前聖而責珪等。公等幸勿懲是也。時珪與玄齡李清溫彥博戴胄魏徵同輔政。帝以珪善人物。因謂之曰。卿標鑒通悟。試爲朕言。玄齡等且自謂孰與諸子。賢珪對曰。孜孜奉國。知無不爲。臣不如玄齡。資兼文武。出將入相。臣不如李靖。敷奏詳明。出納惟允。臣不如彥博。濟繁治劇。衆務必舉。臣不如胄。以諫諍爲己任。耻君不及堯舜。臣不如徵。至激濁揚清。疾惡好善。臣於數子。有一日之長。帝稱善。而玄齡等亦以爲確論。子敬直尚南平公主。時帝女貴。未

嘗行見舅姑禮。珪曰：「主上循法度，吾當受公主謁，見於是與夫人坐堂上。」主執筭盥饋，乃退。其後，公主降有舅姑者，備婦禮。本於珪也。卒年六十九。珪少孤貧，母李嘗曰：「兒必貴，然未知所與游者何人。」會玄齡等過其家，李闕見之大驚，謂珪曰：「二客公輔才，汝貴不疑。」

魏徵

魏徵字玄成，魏州人。少孤落鳧，後入關，隱太子引爲洗馬。徵見秦王功高，陰勸太子早爲計。太子敗，王責徵曰：「爾聞吾兄弟奈何？」答曰：「太子早從徵言，不死今日之禍。」王器其直。及卽位，拜徵諫大夫。時河北州縣素事隱巢者，皆不自

安徵潛白帝曰不示至公人便思亂帝曰爾行安諭河北
可也徵行道遇太子千牛李志安齊王護軍李思行等傳
送京師徵與其副謀曰屬有詔宮府舊人並蒙赦原今復
執送志安等有識吾屬雖往人必不信可先貸之而後以聞使
還帝悅由是徵日益親或時引至臥內訪天下事徵亦自
以不世遇展盡底蘊無所欺隱進拜尚書右丞兼諫議大
夫左右有毀徵阿私所親者帝使溫彥博讓徵徵見帝謝
曰臣聞君臣同心是謂一體豈有令臣舍其至公反事形
迹乎帝矍然曰吾失矣徵頓首曰願陛下俾臣為良臣母
俾為忠臣帝曰忠良異乎曰良臣稷契咎陶也忠臣龍逢

比干也。貞觀三年，以秘書監參預朝政。四年，斷死刑二十
九。米斗三錢。先是，帝嘗歎曰：「今承大亂之後，雖欲治之，實
難爲力。」徵對曰：「亂之易治，譬猶饑之易食也。」帝曰：「古不云
善人爲邦百年，亦可勝殘去殺邪？」徵曰：「此不爲聖哲論也。
聖哲之君，其應如響，期月而可，更有何難？」封德彝曰：「不然。
三代之後，澆詭日滋。秦任法律，漢雜霸道，皆欲治不能，非
能治而不欲也。」徵曰：「五帝三王，不易民而教行。帝道而帝
行，王道而王，顧所行何如耳。黃帝逐蚩尤，七十戰而勝其
亂，因致無爲。九黎害德，顓頊征之，已克而治。桀爲亂，湯放
之，紂無道，武王伐之，湯武皆身致太平。若人漸澆詭，不復

胡說廿五

返朴、今當爲鬼爲魅妙絕尚安得而化之哉。封德彝不能對。至是天下大治。蠻夷君長襲衣冠帶刀宿衛。東薄海南。踰嶺快活殺戶闔不閉。行旅不賣糧。帝謂羣臣曰。此徵勸我行仁義。既效矣。惜不令封德彝見之一日。帝對羣臣曰。徵每諫我不從。我發言輒不應。何徵曰。臣以事有不可。故諫。若不從。輒應。恐遂行之。昔舜之誡禹曰。爾無面從。退有後言。若面從而後言。非禹稷之所以事舜也。帝大笑曰。人言徵舉止疏慢。我但見其嫵媚耳。七年爲侍中。拜特進。知門下省事。文德皇后既葬。帝卽苑中作層觀。以望昭陵。引徵同升。徵熟視曰。臣眊昏不能見。帝指示之。徵曰。此昭陵邪。帝曰。然。徵

曰臣以爲陛下望獻陵若昭陵臣固見之帝泣爲毀觀後
帝幸洛陽多所譴責徵曰隋惟責此故天命陛下伐之奈
何令人悔不爲奢乎若以爲足今不啻足矣以爲不足萬
此寧有足邪十七年徵疾甚徵家初無正寢帝命輟小殿
材爲營構令中郎將宿其第動息以聞中使者綴道帝親
問疾許以衡山公主配其子叔玉旣薨帝臨哭之慟陪葬
昭陵帝作碑文手書之帝後臨朝歎曰以銅爲鑑可正衣
冠以古爲鑑可知興替以人爲鑑可明得失朕嘗保此三
鑑今魏徵逝亡一鑑矣帝嘗得佳鷄自臂之望見徵來匿
懷中徵奏事故久不已鷄竟死懷中其敬憚之如此徵嘗

薦杜正倫侯君集於朝曰此二人其才可任宰相及正倫
以罪黜君集坐逆誅衆遂指爲阿黨又有言徵嘗錄前後
諫疏以示褚遂良者帝不悅乃停叔玉昏而仆所爲碑顧
其家衰矣及遼東之役高麗靺鞨犯陣軍還帝悵然曰魏
徵若在朕有此行邪卽召賜勞其妻子以少牢詞徵墓復
立碑恩禮加焉桂州督李弘節沒後其家賣珠太宗聞之
曰此人平生宰相言其清今旣賣珠舉者豈得無罪徵曰
今在朝諸臣清貞自守終始不渝者屈突通張道源而已
通子三人來選共坐一匹羸馬道源兒子至不能存立陞
下皆未曾問及今弘節爲國立功前後大蒙賞賚居官而

胡說甚

沒自不爲貧、妻子賣珠、亦有何罪、而欲旁責其舉者乎、太
宗撫掌曰、造次不思、遂有此語、房玄齡、王珪、掌內外考績、
治書御史權萬紀奏其不平、太宗大怒、令侯君集案之、徵
言玄齡、王珪俱是國家重臣、並以忠貞荷蒙任使、所考既
多、中間或有一二不當者、切是見有異同、非其心有阿黨
也、若卽賜推繩、假令實有錯謬、如未見虧損國家、窮鞫若虛、
則所失者大矣、乃釋不問、侯君集等平高昌、還有告薛萬
均私通高昌婦人者、命內出胡婦付大理與之辯對、徵諫
曰、臣聞君使臣以禮、臣事君以忠、今遣大將軍與亡國婦
人對辯、帷簿之私、實則所得者輕、虛則所失甚重、昔秦穆

公飲盜馬之士。楚莊王赦絕纓之臣。況陛下道高堯舜。而曾二君之不逮乎。上遣使點兵。封德彝奏中男雖未十八。其軀幹壯大者。亦可并點。敕出徵固執。以爲不可。上怒曰。中男壯大者。乃姦民詐妄。以避征役。取之何害。而卿固執。至此徵對曰。夫兵在御之得其道。不在衆多。陛下取其壯健。以道御之。足以無敵。何必多取細弱。以增虛數乎。乃不點中男。賜徵金甕一。嶺南知州奏馮盎反。上欲命將討之。以徵諫而止。已而盎長子智戴入朝。太宗曰。嶺南諸郡咸言盎反。衆皆勸朕征之。惟魏徵以爲千斤之弩。不爲鼷鼠發機。大國之師。豈爲蠻夷興動。勝之不武。不勝爲笑。但懷

之以德彼必不召自來今嶺表無事邊隅晏然徵不可以
不賞賜絹百匹李生曰此人用得雖謂之經世名臣亦可
列在行業儒臣稍抑損之矣十漸十思套也

宋璟

附魏元忠

韓休

璟邢州人舉進士中第爲監察御史遷鳳閣舍人武后高
其才會有飛書告張昌宗引相工以觀吉凶者璟請窮治
其事聖后后曰易之等已自言於朕矣璟曰謀反無容以首原
請下吏明國法后許之收易之等就獄俄詔原之而勅二
張詣璟謝一日晏朝堂二張列卿二品璟階六品居下坐
易之虛位揖曰公方今第一人請坐上坐璟曰才劣品卑

卿謂第一何邪續有詔按獄揚州璟奏按州縣得監察御史

職耳又詔按幽州都督屈突仲翔獄璟辭曰御史中丞非得

大事不出時璟爲御史中丞故也既而詔副李嶠使隴蜀

璟復言隴右無變比日得臣以中丞副李嶠非故事易之初箕璟

出則劾奏誅之計既不行乃伺璟家婚禮將遣客刺殺璟

有告璟者璟乘庫車舍他險所以故刺不得發開元初進御

史大夫遷吏部兼侍中玄宗幸東都次嶠谷以馳道隘黜

河南尹及知頓使等官璟曰陛下始巡幸卽以道不治罪

二臣由此相飭後必有受其敝者乃免黜璟曰陛下向以

怒責之以臣言免之是過歸於上而恩在於下姑聽待罪

大見識

於朝。然後詔還其職。則進退得矣。帝善之。初貞觀之制。中書門下及三品官入奏事。必使諫官史官隨之。有失則匡正。美惡必記之。諸司皆於正衙奏事。御史彈百官。服豸冠對仗。讀彈文。故大臣不得專君。而小臣不得爲讒慝。至許敬宗李義府用事。政多私僻。奏事官多俟仗下於御座前。屏左右。密奏。監奏御史及待制官遠立以俟。其退諫官史官皆隨仗出。仗下後事不復預聞。及宋璟爲相。欲復貞觀之政。制自今事非的須秘密者。皆令對仗奏聞。史官自依故事。括州司馬李邕儀州司馬鄭勉並有才略文詞。璟以二人多異端。好是非。改變若全引進。則咎悔必至。若長棄

捐則才用可惜古至言請除渝峽二州刺史王毛仲有寵於上

官附之毛仲嫁女上問所須毛仲頓首對曰臣萬事已備

但未得客上曰知汝所不能致者一人耳明日上謂宰相

朕奴毛仲有昏事卿等宜與諸達官詣其第既日中衆客

俱至未敢舉箸久之環乃至十八年以裴光庭兼吏部尚

書先是選司注官初近後遠皆無定制光庭始奏用循資

格各以罷官若干選而集官高者選少卑者選多選滿則

注限年躡級母得踰越非負譴者皆有升無降其庸愚沉

滯者皆喜謂之聖書而才傑之士才傑太必無不怨歎環爭之不能

得二十年請致仕許之仍賜全祿退居洛二十五年卒年

七十五後張嘉貞爲相閱堂案見其危言切議未嘗不失聲歎息姚宋相繼爲相二人志操雖不同然協心輔佐使賦役寬平刑罰清省百姓富庶以故唐世賢相前稱房杜後稱姚宋他人莫得比焉

魏元忠宋州人爲太學生跌蕩少檢儀鳳中吐蕃數盜邊元忠上言命將用兵之要授秘書省正字遷監察御史殿中侍御史徐敬業舉兵武后詔元忠監李孝逸軍至臨淮偏將雷仁智爲賊所敗孝逸懼按兵未敢前時敬業保下阿谿其弟敬猷屯于淮陰衆請先擊下阿元忠曰不然賊勁兵盡守下阿利在一夫苟有負則大事去矣敬猷博徒

不知戰且其兵寡易搖譬之逐獸弱者先擒今捨必擒之
弱而趨難敵之強非計也孝逸乃引兵擊淮陰大敗敬猷
進擊敬業平之還授司刑正遷洛陽令陷周興獄一次當死以
平陽楚功得流歲餘爲御史中丞復爲來俊臣所構將就
刑神色不動死者宗室子二十餘人相枕藉於前元忠顧
曰大丈夫行居此矣俄有勅免死傳聲及於市諸囚歡叫
元忠獨堅坐曰未知實否既而勅使至宣詔流費州後復
爲中丞歲餘陷侯思止獄三次仍放嶺南酷吏誅乃詔復舊官
聖曆二年爲鳳閣侍郎同平章事時二張勢傾朝廷元忠
奏曰臣承先帝之顧且受陛下厚恩不能徇忠使小人在

多事

側臣之罪也。會太后不豫，張昌宗恐太后一日晏駕，爲元忠所誅，乃譖元忠與高戢私議云：太后老矣，不若挾太子爲父長。太后怒，召太子相王及諸宰相使元忠與昌宗參對。昌宗曰：張說聞元忠言，請召問之。太后召說，說將入鳳閣。舍人宋璟謂曰：名義至重，鬼神難欺，不可黨邪。陷正以求苟免，若獲罪竄，其榮多矣。若事有不測，璟當叩閣力爭。與子同死，努力爲之，萬代瞻仰在此舉也。殿中侍御史張廷珪曰：朝聞道，夕死可矣。左史劉知幾曰：無汗青史爲子孫累。及入，太后問之，說未對。昌宗從旁迫趣說，使速言。說曰：陛下視之，在陛下前，猶逼臣如是，況在外乎？臣實不聞。

曰。劉不顯之。吾劉不顯。雖引。故吳。張。王。侯。平。曰。實不。聞。
新。累。又。入。太。司。問。之。猶。未。擇。昌。宗。資。帝。度。越。時。外。張。言。曰。
我。主。曰。臨。間。黃。父。取。西。突。立。史。隱。城。幾。日。無。我。青。史。爲。子。
與。千。同。取。衣。衣。爲。之。萬。升。酬。財。亦。此。來。也。劉。中。科。職。史。數。
求。各。與。我。獎。罪。竄。其。榮。冬。突。苦。舉。亦。不。能。陳。當。中。國。大。舞。
聞。今。人。宋。景。謂。曰。各。舞。至。重。想。何。難。然。不。可。黨。派。劉。五。以。
遂。昌。宗。曰。趙。歸。問。示。惠。有。請。公。問。之。太。司。曰。猶。猶。殊。人。風。
爲。及。尋。太。司。然。答。太。司。林。王。及。諸。宰。林。與。示。恩。與。昌。宗。冬。
患。極。精。氏。精。氏。患。與。高。增。及。諸。王。太。司。步。突。不。苦。對。太。司。
曰。曰。之。罪。也。會。太。司。不。對。德。昌。宗。悉。太。司。一。日。是。然。爲。示。

聖天子以爲聖王不妄計茲天以我賢良忠臣願士賢
士願以爲聖王不革命之時人則爲聖王之正自天忠不難
之此日更何問諸禮收前會之願其勉聖之精矣固亦
聖學也周當學精深太公曰聖王之要小人宜其精
三品於其民公嘗爲聖王至忠古今時慕聖王則幸甚不
曰無也受爵不難謝聖王實言曰則公是也則之公是也
朕時問之童曰昔天忠臣不難聖王以淑官於賢天忠是容
謝王非然又而何哉曰愚之只索小人於問聖王之精安
聖王賢天忠同又諸嘗謂天忠爲聖王則其效太甲則公
天忠亦最言則昌宗最聖王也聖王之耳愚之昌宗最聖王曰

元忠有是言、但昌宗逼臣使誣證之耳、易之昌宗遽呼曰、張說、魏元忠同反、說嘗謂元忠爲伊周、伊尹放太甲、周公攝王、非欲反而何、說曰、易之兄弟小人、徒聞伊周之語、安知伊周之道、日者元忠初衣紫、臣以郎官往賀、元忠語客曰、無功受寵、不勝慚懼、臣實言曰、明公居伊周之任、何愧三品、彼伊尹、周公皆爲臣至忠、古今仰慕、陛下用宰相、不使學伊周、當使學誰邪、太后曰、張說反覆小人、宜并繫治之、他日更引問、說對如前、會朱敬貽抗疏理之、蘇安恒亦上疏、以爲陛下革命之初、人以爲納諫之主、自元忠下獄、里巷恟恟、皆以爲陛下委信姦宄、斥逐賢良、忠臣烈士皆

撫髀於私室而箝口於公朝畏遷易之等矣后乃貶元忠

四次

爲高要尉而流戡說於嶺表元忠辭曰言於太后曰臣老矣今向嶺南十死一生陛下他日必有思臣之時時易之

昌宗侍側元忠指之曰此二小兒終爲亂階易之等下殿

多事

叩膺自擲稱冤太后曰元忠去矣殿中侍御史王琰復爲

奏請申理宋璟曰魏公幸已得全子今復冒威怒得無狼

好○人○

狽乎太僕崔貞慎等八人同日出餞元忠易之詐爲告密

人柴明稱貞慎等與元忠謀反后使監察御史馬懷素鞫

之曰茲事皆實略問速以聞懷素請柴明對質太后曰我

自不知柴明處但據狀鞫審安用告者懷素遂據實聞奏

太后怒曰卿欲縱反者邪對曰臣不敢縱反者元忠宰相
謫官貞慎等以親故追送若誣以爲反臣實不敢昔樂布
奏事彭越頭下漢祖不以爲罪況元忠之刑未如彭越而
陛下欲誅其以禮相送者乎太后意乃解貞慎等由是獲
免中宗復位召元忠爲衛尉卿同中書門下三品進侍中
又爲尚書右僕射時武三思用事京兆韋氏將渤海高軫
上書言其惡帝榜殺之王同皎謀誅三思不克反被族李
生曰元忠至是蓋傷於虎者亦不復論救之矣以救之無
益而反與同禍也時有陳郡男子袁楚客以書規元忠元
忠得書大慙謀欲誅三思而未有會會節愍太子起兵誅

三思引兵走闕下、被殺元忠、遂坐貶渠州司馬、行至涪陵卒、年七十餘、

韓休、長安人、裴光庭卒、帝勅蕭嵩舉所以代者、嵩稱休志行、遂拜黃門侍郎、同平章事、時萬年尉李美玉有罪、帝將放之嶺南、休曰、尉小官、犯非大惡、今金吾大將軍程伯獻恃恩而貪、室宅輿馬僭法度、臣請先伯獻而後美玉、帝不許、休固爭曰、罪細不容、而巨猾乃置不問、陛下不出伯獻、臣不敢奉詔、初嵩以休柔易、故薦之、及休臨事、或折正嵩、嵩不能平、宋璟聞之曰、不意休能爾、仁者之勇也、帝常獵苑中、或大張樂、稍過甚、必視左右曰、韓休知否、已而疏輒

至帝時引鑑默不樂左右曰自韓休入朝陛下無一日懽
會說何不逐去之帝曰吾雖瘠天下肥矣蕭嵩每啓事必順旨
我退而思不安寢韓休敷陳治道多訐直我退而思寢必
安吾用韓休爲社稷非爲朕也

楊綰

附韋貫之

楊綰字公權華陰人性沈靜每獨處一室左右圖史凝塵
滿席澹如也第進士補太子正字舉詞藻宏麗科玄宗已
試又加詩賦各一篇由是擢右拾遺制舉加詩賦由紹始
天寶亂肅宗卽位綰脫身見行朝累遷中書舍人故事舍
人年久者爲閣老其公廡雜料獨取五之四至綰悉均給

之。歷禮部侍郎。上疏曰。古之選士。必取行實。自隋煬帝始置進士科。猶試策而已。至高宗時。考功員外郎劉思立始奏進士加雜文。明經加帖括。從此成俗。公卿以此待士。長老以此訓子。其明經則誦帖括以僥倖。又令舉人投牒自應。如此。欲其返淳朴。崇廉讓。何可得也。請置孝廉科。令縣令取行著鄉閭。學知經術者。薦之於州。刺史考試。升之於省。人占一經。問經義二十條。對策三道。上第注官。中第出身。下第罷歸。給事中李栖筠。左丞賈至。京兆尹嚴武。並是綰議。或以爲明經進士行之已久。不可遽改。事雖不行。識者偉之。俄遷吏部。品裁清允。拜平章事。修國史制。下士相

賀於朝、初元載秉政、以仕進者多樂京師、乃制俸祿厚、外官而薄、京官不能自給、常從外官乞貸、綰奏京官俸太薄、詔加俸、又減諸道觀察判官員之半、舊制刺史被代、若別追、皆降魚書、乃得去、開元時、始置諸道採訪使、得專停刺史、以故威權外移、綰言若刺史不稱職、但使本道具條以聞、不得擅追及停、刺史亦不得輒去、州詣使所、如有故闕、聽上佐代領、使司無得署攝、及定府州官月廩、使優狹相均、稍盡復太平舊制、而綰痼疾作、居旬日、寢劇、有詔就中書療治、每對、邇英許、挾扶於時、釐補穿敝、惟綰是恃、而綰不幸死矣、帝聞之、驚悼、詔羣臣曰、天不使朕致太平、

邪何奪綰之速也。綰性儉約，造之者清談終晷，欲干以私，聞其言自止。始命下，御史中丞崔寬城南別墅池觀堂墮，爲當時第一，卽命撤去。京兆尹黎幹每出入，從騎數百，後只留十餘騎自隨。中書令郭子儀在邠州行營，方大會，除書至，散音樂五之四，世以比東京楊震，亶其然矣。

韋貫之，杜陵人。永貞時，爲監察御史，宰相杜幼子從郁爲補闕，貫之與崔羣持不可，改換左拾遺，復奏曰：「拾遺補闕，同爲諫官，若宰相政有得失，使從郁議，是子而議父也。」後貫之爲禮部侍郎，從容爲帝言曰：「禮部侍郎重於宰相，帝曰：『侍郎是宰相所除，安得重？』」曰：「然爲陛下揀宰相者，得無

重乎帝美其言改尚書右丞俄同平章事帝之討吳元濟也貫之請釋鎮州專力淮西且言陛下不知建中事乎始於蔡急而魏應也齊趙同起德宗引天下兵誅之物力殫屈故朱泚乘以爲亂此非他速於撲滅故也初討蔡以宣武韓弘爲都統又詔河陽烏重胤忠武李光顏合兵進貫之謂諸將戰方力今若置都統又令二帥連營則各持重養威未可歲月下也後四年李迺雪夜入蔡州乃克蔡皆如貫之策。

陸贄

陸贄字敬輿嘉興人十八第進士德宗立召爲翰林學士

從狩奉天、遠近調發、奏請報下書詔、日數百、皆周盡事情、
衍繹熟復、人人可曉、會興元赦、令方具、帝以藁付贊、贊建
言、履非常之危者、不可以常道安、解非常之紛者、不可以
常令諭、今假王者四凶、僭帝者二豎、其他顧瞻懷貳、不可
悉數、而欲紓多難、收羣心、惟在赦令而已、動人以言、所感
已淺、言又不切、人誰肯懷、唯陛下度可行者、宣之、不可者
措之、無苟於言、以重取悔、帝納之、故赦下、四方人心大悅、
及上還長安、李抱真入朝、言山東宣布赦書、士卒皆感泣、
臣見人情如此、知賊不足平也、李懷光與朱泚通謀、李晟
累奏恐爲所併、請移軍東渭橋、上冀懷光革心、遣陸贄詣

懷光營宜慰贄還言賊泚保聚宮苑引日偷生懷光總仗
順之師乘制勝之氣鼓行芟剪易若摧枯而乃寇奔不追
師老不用諸帥每欲進取懷光輒沮其謀據茲事情殊不
可解若不別師制持終恐變故難測伏望卽以李晟表出
付中書敕下依奏別賜懷光手詔示以移軍事由則詞婉
而直理順而明雖蓄異端無由起怨矣上從之晟遂自咸
陽結陳而行歸東渭橋時鄜方節度使李建徽神策行營
節度使楊惠元猶與懷光聯營陸贄復奏言李晟見機移
軍就東建徽惠元勢轉孤弱今因李晟願行可託言晟兵
素少慮爲賊泚所邀藉此兩軍以爲犄角上曰卿所料極

善然李晟移軍懷光不免悵望若更遣二人就東恐因此
生辭轉難調息耳時李晟以懷光反狀已明緩急宜有備
蜀漢之路不可壅請以裨將趙光銑等爲洋利劔三州刺
史各將兵以防未然上疑未決未幾懷光遣人襲奪
李建徽楊惠元行在震驚遂徙避梁駱谷道隘
供儲不豫從官乏食昏人歎曰早用晟言得至是乎道有獻
瓜果者帝欲授以試官物贊曰按甲令有職事官有散官有
勲官有爵號其賦事受奉者惟職事一官以敘才能以位
勲德所謂施實利而寓虛名也勲散爵號止於服色資
以馭崇貴以甄功勞所謂假虛名佐實利者也今員外試

官與勲散爵號同彼獻瓜一品果一盛則授之則忘軀命者得無曰吾之軀命乃同瓜果草木邪若草木然人何勸哉上以李晟渾瑊兵少欲倚吐蕃以復京城贄復奏曰吐蕃遷延觀望翻覆多端深入郊畿陰受賊使致令羣帥進退憂虞欲捨之獨前則慮其懷怨乘躡欲待之合勢則苦其失信稽延將帥意陛下不見信任且患蕃戎之奪其功士卒恐陛下不恤舊勞而畏蕃戎之專其利賊黨懼蕃戎之勝不死則悉遺之擒百姓畏蕃戎之來有財必盡爲所掠是以順於王化者其心不得不怠陷於寇境者其勢不得不堅今懷光別保蒲絳吐蕃遠避封疆形勢旣分腹背

無患。城晨諸帥才力得伸矣。不宜尚眷眷於犬羊之羣。以失將士之情也。上曰。卿言吐蕃形勢甚善。然城晨諸軍當議規畫。令其進取。贊以爲秦梁千里。兵勢無常。遙爲規畫。未必合宜。彼違命則失君威。從命則害軍事。進退羈礙。難以成功。不若假以便宜之權。待以殊常之賞。且夫鋒鏑交於原野。而決策於九重之中。機會變於斯須。而定計於千里之外。用舍相礙。否臧皆凶。上有掣肘之譏。下無死綏之志。傳聞與指實不同。懸筭與臨事有異。設使其中或有肆情干命者。陛下能如此時戮其違詔之罪乎。時劉從一姜公輔等。材不逮贊。遠甚。徒以單言暫謀。由下位建台宰。而

贄孤立爲左右權倖沮短陰失帝意還京但爲中書舍人
俄以喪解官客東都服除復召爲學士入謝伏地鰓泣帝
爲改容天下屬以爲相而竇參又忌之貞元七年罷學士
以兵部侍郎知貢舉明年參黜乃以中書侍郎同平章事
贄秉政始請臺閣長官得自薦其屬有不職坐舉者帝初
許之或言諸司所引皆親黨帝復詔宰相自擇贄奏言臺
省長官陛下擇輔相多出其中今乃不能進一二屬吏則
後日位宰相安能擇天下材乎夫求才貴廣考課貴精往
武后收人心務拔擢非徒人得薦士士亦許自薦然而課
責嚴進退速故當世稱知人之明累朝賴多士之用今擇

講道學者不知

宰相以重於庶品，選官長以愈於下寮。及宰相獻言，長吏薦士，則又納橫議，廢始謀。是任以重者，輕其言；待以輕者，重其事也。帝雖嘉之，然卒停薦士詔。初，竇參惡李異，出爲常州刺史。及參貶，異爲湖南觀察使，奏參交結藩鎮，上大怒，欲殺參。贊言：「朝廷大臣，誅之不可無名。昔劉晏之死，罪不明白，至使衆議爲之憤邑。叛臣得以爲辭，竇參於臣素分。陛下所知，豈欲營救其人，蓋惜典刑有濫耳。」及班宏判度支，卒用裴延齡代之。贊言：「延齡僻戾躁妄，不可用。」不聽。復上書苦諫，帝不懌。贊遂以太子賓客罷。延齡揣帝意薄，讒短百緒。帝遂發怒，欲誅贊。賴陽城等交章論辨，乃貶忠。

州別駕順宗立召還詔未至卒年五十二諡曰宣始贇入翰林年尚少以材幸特承德宗異顧歌詩戲狎朝夕陪遊及出居艱阻之中雖有宰臣而謀猷參決多出於贇故當時目爲內相天子常以輩行呼而不名在奉天朝夕進見贇小心精潔未嘗有過故帝親解衣賜之及走山南道險澁從官相失夜召贇不得驚且泣詔軍中得贇者與千金及輔政所言剴切或規其太過贇曰吾上不負天子下不負所學遑他卹乎旣放荒遠常闔戶人不識其面又懼謗不敢著書地苦瘴癘祇爲今古集驗方五十篇李生曰到此又太謹慎矣胡不遑他卹乎

裴垪

裴垪聞喜人擢進士以賢良方正對策第一補美原尉憲
宗元和初召入翰林爲學士再遷中書舍人李吉甫始執
政以情謂垪曰吾落鳧遠裔更十年始相天子比日人物
吾情不及知君精鑒爲我言之垪卽崖略疏三十許人吉
甫藉以薦于朝天下翕然稱得人焉吉甫罷垪乃當國請
繩不軌課吏治分明淑慝帝每降意順納吐突承璀自東
宮得幸承間欲有關說帝憚垪誠使勿言嶺南節度楊子
陵爲監軍許遂振所誣詔授子陵冗官垪曰以一中人罪
藩臣陛下之法安在更授美官王承宗擅襲節度帝方屢

削叛族意必取之吐突承璀因探帝意自請往于時澤潞
 盧從史詭獻征討計垺固爭久之卒用承璀謀會兵討承
 宗從史果反覆兵久無功王師告病旣而從史遣步將王
 翊元奏事垺從容以語動之翊元因言從史惡稔可圖狀
 垺比遣往得其大將烏重胤等要領乃爲帝陳從史暴戾
 視承璀若小兒往來神策軍不甚戒可因其機致之免興
 師之勞帝許之俄而承璀縛從史以獻因班師先是天下
 賦法有二曰上供曰送使曰畱州建中初釐定常賦而物
 重錢輕其後輕重相反民輸率一倍其初而所在以畱州
 送使之入又降省估以自潤故賦益苛齊民重困垺奏禁

之一以省估準物觀察使得用所治州租調至不足乃取
支郡以贍故送使之財悉爲上供自是淮江而南民少息
矣。埒器局俊整持法度雖宿貴前望造請不敢干以私諫
官言得失大抵執政多忌之。惟埒獎勵使盡言拾遺獨孤
郁李正辭嚴休復三人皆遷及過謝埒埒獨望休復曰君
異夫二人孜孜獻納者前日進擬上固爲疑休復大慚埒
引李絳崔羣與同列及相又擢韋貫之裴度知制誥呂易
簡御史中丞年少柄用百度修舉號稱朝無幸人五年暴
風痺帝悵惜遣使致問藥膳進退輒疏聞居三月益痼乃
罷爲兵部尚書埒之進李吉甫薦頗力及居中多變更吉

甫時約束吉甫復用銜之乃徙增太子賓客會卒不加贈
李絳

李絳字深之趙郡贊皇人擢進士宏辭元和二年授翰林
學士知制誥會李錡誅憲宗將輦取其貲絳與裴埴諫曰
錡僭侈誅求六州之人怨入骨髓今元惡傳首願以其財
賜本道代貧民租賦從之後絳見浴堂殿帝曰比諫官朋
黨論奏不實朕欲黜其尤者若何絳曰此非陛下意也必
左右憚人欲以此災誤上心夫人臣進言於上豈易哉晝
度夜思始欲陳十事俄而去五六及將以聞則又憚而削
其半故上達者不能百一何哉干不測之禍顧身無利耳

雖開獎納尚恐不至又欲遣訶之臣恐直士之杜口也王
士貞死上欲自朝廷除人裴垕曰李納跋扈不恭王武俊
有功於國陛下前許師道今奪承宗沮勸違理彼必不服
上以問絳絳對曰河北不遵聲教誰不憤歎然今日取之
或恐未能上曰今用王承宗爲成德留後割其德棣二州
更爲一鎮以離其勢使承宗輸二稅請官吏一如師道何
不可之有絳對曰德棣之棣成德爲日已久今一旦割之
恐承宗憂疑怨望得以爲辭所示二稅官吏願因弔祭使
至彼自以意諭承宗令上表陳乞如師道例上曰今劉齊
田季安皆有疾若其物故豈可盡如成德例付授其子對

曰羣臣見陛下西取蜀東取吳易于反掌故爭獻策畫勸
開河北臣等夙夜思之河北之勢與二方異何則西川浙
西皆非反側之地其四鄰皆國家臂指之臣劉闢李錡獨
生狂謀徒欲以貨財啗之大軍一臨自渙然離矣故臣等
當時亦勸陛下謀之成德則不然內則膠固歲深外則蔓
連勢廣其將士百姓懷其累代煦嫗之恩不知君臣逆順
之理論之不從威之不服將爲朝廷羞又鄰道平居或相
猜恨及聞代易將合爲一心蓋各爲子孫之謀亦慮他日
及此故也太平之業非朝夕可致願陛下審處之時吳少
誠病甚絳等復上言少誠病必不起淮西事體與河北不

同四旁皆國家州縣不與賊隣無黨援相助朝廷命帥今
正其時臣願舍恒冀難制之策就申蔡易成之謀脫或恒
易連兵未得如意蔡州有釁勢可興師南北之役俱興才
力之用不足儻事不得已須赦承宗則恩德虛施威令頓
廢不如早賜分處以收鎮冀之心坐待機宜必獲申蔡之
利既而承宗久未得朝命頗懼累表自訴八月上乃遣京
兆少尹裴武詣真定宣慰承宗受詔甚恭請獻德棣二州
以明懇款九月裴武復命以承宗爲成德軍節度恒冀深
趙州觀察使德州刺史薛昌朝爲保信軍節度德棣二州
觀察使昌朝故相州節度嵩之子也故就用之田季安得

飛報使謂承宗曰昌朝陰與朝廷通故受節鉞承宗據遣
數百騎馳入德州執昌朝至真定囚之中使送昌朝節過
魏州季安陽爲宴勞留使者累日比至德州已不及矣上
以裴武爲欺罔又有譖之者曰武使還先宿裴瑄家明日
乃入見上怒甚以語李絳欲貶武於嶺南絳曰武昔陷李
懷光軍中守節不屈豈容今日遽爲奸回蓋賊多變詐承
宗始懼朝廷誅討故請獻二州旣蒙恩貸而隣道皆不欲
成德開分割之端計必有陰行間說誘而脅之使不得守
其初心者非武之罪也今陛下選武入逆亂之地使還一
語不相應遽竄之臣恐自今奉使賊庭者以武爲戒苟爲

便身率爲依阿兩可之言莫肯盡誠具陳利害矣絳以固
爭吐突承璀不宜統師又以無功不宜受崇秩又數論宦
官橫肆方鎮進獻等事自知言切且斥去悉取內署所上
疏藁焚之帝果怒絳謝曰陛下憐臣愚處之腹心之地而
惜身不言乃臣負陛下若上犯聖顏旁作貴倖因而獲罪
乃陛下負臣於是帝動容曰卿告朕以人所難言者疾風
知勁草卿當之矣遂繇司勳郎中進中書舍人翌日賜金
紫親擇良笏與之帝遂欲相絳而承璀寵方盛陰有毀短
聖主帝乃出承璀淮南監軍拜絳中書侍郎平章事七年春以
京兆尹元義方爲鄜坊觀察使初義方媚事承璀李吉甫

因擢爲京兆尹。絳惡其爲人，故出之。義方入謝，因言李絳私其同年許季同。除京兆少尹，出臣鄜坊，專作威福。明日上以詰絳曰：「人於同年固有情乎？」對曰：「同年乃四海九州之人，偶同科第，或登科，然後相識，情於何有？且陛下不以臣愚，備位宰相，職在量材授任。若其人果才，雖在兄弟子姪之中，猶將用之。況同年乎？」魏博田季安死，子懷諫弱。李吉甫請與兵討之。絳以爲：「魏博不必用兵，當自歸朝廷。」吉甫盛陳不可不用兵之狀。絳曰：「臣竊觀兩河藩鎮之跋扈者，皆分兵以隸諸將，不使專在一人，恐其權任太重，乘間而謀已故也。諸將勢均力敵，莫能相制，欲廣相連結，則衆

心不同其謀必泄欲獨起爲變則兵少力微勢必不成跋扈者恃此以爲長策然臣竊思之若常得嚴明主帥能制諸將之死命者以臨之則粗能自圖矣今懷諫非天子不能自聽斷軍府大權必有所歸諸將厚薄不均怨怒必起然則向日分兵之策適足爲今日禍亂之階也田氏不爲屠肆則悉爲俘囚矣何煩天兵哉但願陛下按兵養威嚴敕諸道選練士馬以須後敕使賊中知之不過數月必有自效於軍中者至時惟在朝廷應之敏速中其機會不愛爵祿以賞其人使兩河藩鎮恐其麾下聞而效之以取朝廷之賞亦恐懼爭爲恭慎矣此所謂不戰而屈人兵者也

既而田懷諫幼弱軍政皆決於家僮蔣士則士則以愛憎移易諸將衆皆憤怒田興晨入府士卒數千人大譟環興而拜請爲留後興驚仆地久之度不免乃謂衆曰汝肯聽吾言乎勿犯副大使守朝廷法令申版籍請官吏然後可皆曰諾興乃殺蔣士則等十餘人遷懷諫於外冬十月魏博監軍以狀聞上亟召宰相謂李絳曰卿揣魏博若符契李吉甫請遣中使宣慰以觀其變李絳曰不可今田興奉其土地兵衆坐待詔命不乘此際推心撫納結以大恩必待敕使至彼持將士表來爲請節鉞然後與之則是恩出於下非於上將士爲重朝廷爲輕矣上竟遣中使出如魏

博宣慰李絳復言朝廷恩威得失在此一舉時機可惜奈何棄之利害甚明乞明旦卽降白麻除興節度使猶可及也上從之乃以興爲魏博節度使制命至魏州興感泣流涕士衆無不鼓舞李絳又言魏博五十餘年不霑皇化一旦舉六州之地來歸剗河朔之腹心傾叛亂之巢穴不有重賞過其所望則無以慰士卒之心使四鄰勸募請發內庫錢百五十萬緡以賜之左右宦官以爲太多絳曰田興不貪專地之利不顧四隣之患歸命聖朝陛下奈何愛小費而遺大計不以收一道人心哉借使國家發十五萬兵以取六州期年而克之其費豈止百五十萬緡已乎上悅

曰朕所以惡衣菲食蓄聚貨財正爲平定四方不然徒貯

聖王

之府庫何爲卽遣知制誥裴度至魏博宣慰以錢百五十

萬賞軍士六州百姓給復一年軍士監賜歡聲如雷成德

充鄆使者數輩見之相顧失色歎曰倔强者果何益乎十

年絳出爲華州刺史承瓘田多在部中主奴擾民絳捕繫

之會遣五坊使帝戒曰至華宜自戢絳大臣有奏聖王卽行法

矣絳偉儀質以直道進退望冠一時然賢不肖太分故屢

不濟屢

爲讒邪所中文宗立召爲太常卿累封趙郡公四年蠻寇

蜀道詔絳募兵千人往赴不半道蠻已去兵還受軍使楊

叔元者素疾絳遣人迎說軍士曰將收募直而還爲民士

皆怒、乃譟而入、劫庫兵、絳方宴、不設備、遂遇害、年六十七

李昉

李昉、深州人、太平興國八年、趙普罷相、昉與李琪並同平章事、端拱元年、昉罷、復相趙普并呂蒙正、淳化二年、蒙正罷相、昉與張齊賢並相、太宗語侍臣曰、朕何如唐太宗、左右互辭以對、獨昉無他語、惟誦白居易諷諫七德舞詞曰、怨女三千放出宮、死囚四百來歸獄、上聞遽興曰、朕不及朕不及、昉與李琪同建議、復時政記、月終送史館、先進御而後付有司、時政記進、御自昉始、昉爲相、有求差遣者、見其人可取、必正色拒之、已而擢用、或不足收用、必和顏溫

語待之。或問其故。昉曰。用賢人主之事故。峻絕之。使歸恩於上。若其不用。既失所望。又無善辭。取怨之道也。昉常薦王旦。及病。召旦勉之。既退。謂其子弟曰。此後日太平宰相也。

錢若水

錢若水。河南新安人。少時見陳希夷。希夷謂有仙骨。意未決。曰。明日再來。若水如期往。見一老僧。與希夷擁地爐坐。僧熟視久之。以火箸畫灰作做不得三字。徐曰。急流中勇退人也。後舉進士。爲同州推官。富民有女奴逃亡。奴父母訟之州。州命錄事推鞫。錄事嘗貸富民錢。不獲。乃劾富民。

父子殺女奴棄尸水中不得富民不勝榜楚遂自誣服具
上州審覆無異若水獨疑不敢決錄事詣若水詬曰若受
富民金欲出其死邪若水謝曰今者數人當死豈得不留
心留旬日知州屢趣亦竟未決於時上下皆怪若水終不
恤也一日詣州屏人言曰若水已訪求女奴得之矣知州
曰安在若水密送女奴與州知州垂簾引女奴父母問曰
汝今見女識之乎曰識卽從簾中推出父母見女泣曰是
也富民大號曰微使君某滅族矣知州曰此錢推官之賜
也卽欲奏其功若水固辭曰若水但求獄事正人不冤耳
以爲功當置錄事於何地邪冠準掌選薦若水文學高第

大○見○

○大○見○識○大○學○問○

召試翰林、擢秘書丞、直史館、歲餘遷知制誥、翰林學士、俄知審官院、銀臺通進封駁司、嘗草賜趙保忠詔、有云、不斬繼遷、開狡兔之三穴、潛疑光嗣、持首鼠之兩端、太宗大以爲當、至道初、同知樞密院事、李斷隆與轉運使盧之翰有隙、奏轉運司乏軍興、太宗大怒、立召中使乘驛馳取轉運使盧之翰、竇玘等三人首、若水請先推驗、有狀、然後行法、上大怒、拂衣起入禁中、二府皆罷、獨若水留庭中、不去、久之、上出曰、爾以同州推官、再期爲樞密副使、朕所以擢用、爲爾賢爾、若水對曰、李繼隆外戚、貴重莫比、陛下據其一幅奏、誅三轉運、雖有罪、天下何由知、鞠驗明白、然後加誅、

未晚也。獻可替否，死以守之。臣之常分。臣未獲死，固不敢退。上意解，乃先令責狀。既而虜入塞，事悉虛。繼隆坐罷。時呂蒙正罷相，以僕射奉朝請。上曰：「呂蒙正以布衣擢用爲相，今退在班列，想其寂寞。」眼窠當望復相矣。若水曰：「蒙正雖驟登顯貴，然其風望不爲忝冒。僕射師長百寮，資望崇重，亦不寂寞。今巖穴高士，不求聞達者至多。惟若臣輩苟且官祿，乃謂不能自重爾。」上默然。真宗卽位，上章乞解機務，不許。若水請益堅，乃以本官充集賢院學士、判院事。從幸大名，陳禦敵安邊之策。曰：「臣見周世宗初卽位，劉崇結敵入寇。當時懦將樊愛能、何徽等臨敵不戰。世宗大陳宴。」

會、斬世能等、拔偏將十餘人、分兵擊大東、劉崇聞之、股慄不敢出、卽遁去、自是兵威大振、以至收淮甸、下秦鳳、平關南、今陛下神武豈讓世宗、若將來安邊之術、我太祖時制置最得其宜、止以郭進在邢州、李漢超在關南、何繼筠在真定、賀惟忠在易州、李謙溥在隰州、姚內斌在慶州、董遵誨在通遠軍、王彥昇在原州、但授緣邊巡檢之名、不加行營部署之號、率皆十餘年不易其任、苟有邊功、厚加賞賚、而位不至觀察使、蓋位不高、則朝廷易制、任不易、則邊事盡知、所以十七年中、北邊西蕃不敢犯塞、未幾出知天雄軍、兼兵馬部署、時言事者請城綏州、屯兵積穀以備党項、

已大發丁夫將興役矣有詔若水自大名馳往視若水還
言事上嘉納遂罷役上語左右曰朕觀若水風骨秀邁止
疑其筭部蹙隘果至大川恐愈迫之六年春因疾灸兩足
創潰出血數斗自是體貌瘵羸數月始赴朝謁因與僚友
會食僧舍假寢而卒年四十四

杜衍

杜衍山陰人擢進士甲科字世昌謚正獻衍爲政不以威
刑督吏然吏民亦憚其清整自言歷知州轉安撫未嘗壞
一官其間不職者卽委以事使之不暇惰不慎者諭以禍
福俾令自新其有文學政事者雖不識面未嘗不力薦之

於朝仁宗時拜樞密使便是朝說與作州時心務遏僥倖事不同矣每內降恩率寢格不行

積詔旨至十數輒納帝前諫官歐陽修入對帝曰外人知

聖王○千○古○一○見○

杜衍封還內降邪凡有求於朕每以衍不可告之而止者

多於所封還也衍多知本朝故實善決大事初邊將議欲

大舉擊夏衍爭以爲不可及契丹與夏人爭銀瓮族大戰

黃河外鴈門麟府皆警參知政事范仲淹常父事衍至是

宣府河東請以兵從衍曰二國方鬪勢必不來我兵不可

妄出與仲淹爭議帝前仲淹語詆衍衍愈降契丹亦卒不

來後契丹壻劉三赼來歸輔臣議欲留之以詰契丹陰事

帝以問衍衍曰中國主信義若違誓約納叛亡則不直在

我矣。乃還三轂。拜同平章事兼樞密使。衍好薦引賢士而
沮止僥倖。故爲相纔百二十日而罷。出知兗州。慶曆七年
致仕。寓南都第室卑陋。享客多用糝器。客有面稱歎者。衍
卽命取白金燕器陳於前。每出入從者十許人。烏帽皂綈
袍革帶而已。或勸服居士服。衍答曰。老而謝事。尚可竊高
士名耶。嘗語人曰。浙人柔懦。少立某自幕府以至監司人
尚不信某。及爲三司副使。累於上前執奏。乃曰。杜衍非兩
浙生耶。何以如是。門人爲令將行。戒之曰。子之才器一縣
不足施。然切當韜晦。曰。公平生以直亮取重于世。而以此
誨某何也。衍曰。衍歷仕年久。人主所知。今子始爲令。夫良

二千石甚不易得、若不相知、何以行志、張方平奉佛甚謹、衍每對客嘲之、一日病、召醫醫讀楞嚴未終卷、不卽往、衍怒之曰、楞嚴何好而卿嗜之、醫出袖中衍覽、不覺盡十卷、乃絕歎以爲奇、因謁方平、恨其已晚、方平曰、譬如失物、旣已得之、不必詰其得之之晚矣、卒年八十。

張方平

張方平字安道、南京人、穎悟絕倫、家貧無書、從人假三史、旬日卽歸之曰、吾已得其詳矣、宋綬蔡齊以爲天下奇木、舉茂材異等、爲校書郎、又中賢良方正選、遷著作佐郎、當召試館職、仁宗曰、是非兩策制科者乎、何試也、命直集賢

院。俄知諫院。夏人寇邊。方平乞合樞密之職。於中書以通謀議。帝然之。遂以宰相兼樞密使。元昊旣臣。而與契丹有隙。來請絕其封。方平曰。得新附之小羌失久和之強敵。非計也。宜賜元昊詔使之審處。但嫌隙朝除。則封冊暮下。於西北爲兩得矣。時用其謀。拜御史中丞。加端明殿學士。判太常寺。且將大用。會判官楊儀得罪。坐與交出知滁州。徙益州。未至。或言儂智高在南詔。將入寇。攝守調兵築城。日夜不得息。朝廷聞之。發陝西步騎兵仗絡繹往戍蜀。詔趣方平。許以便宜從事。方平曰。此妄也。道遇戍卒皆遣歸。他役盡罷。適上元張燈。城門三夕不閉。得印部川譯人始造。

此語者。梟首境上。而流其餘黨。蜀人遂安。復以三司使召。

所謂得一良守也。

方平建言。國家都陳留。當四通五達之道。非若雍洛有山。川足恃。特倚重兵立國耳。兵恃食。食恃漕運。以汴爲主。天聖已前。歲調民浚之。其後浚妄者。爭以裁減役費爲功。汴日以塞。是利尺寸而喪丘山也。乃畫上四十策。富弼讀其奏。漏盡十刻。帝稱善。弼曰。此國計大本。非常奏也。悉如其說行之。未幾。以工部尚書帥秦州。諜告夏人將壓境。方平料簡士馬。聲言出塞。已而寇不至。言者論其輕舉。曾公亮曰。兵不出塞。何名輕舉。寇之不至。有備故也。儻罪之。邊臣將不敢爲先事之備矣。方平不自安。請知南京。英宗立。遷。

此亦通

爲學士承旨。帝不豫，召至福寧殿。馮几言言不可辨。方平進筆請書，乃書云：「明日降詔立皇太子。」方平抗聲曰：「必賴王也。」嫡長而賢，請書其名。帝力疾書之，乃退草制。神宗卽位，拜參知政事。御史中丞司馬光疏其不當用，不聽。光解中丞，曾公亮議用王安石，方平以爲不可。數日，遭父憂，服闋，知陳州。召爲宣徽北院使。帝問祖宗禦戎之要，對曰：「太祖不勤遠略，如靈夏、河西，皆因其酋豪許之，世襲環州，董導誨西山郭進，關南李漢超，皆優其祿，賜寬其文法，諸將財力豐而威令行，間諜精審，吏士用命，故能以十五萬人而獲百萬之用。及太宗謀取燕薊，又內徙李彝興，馮暉於

是朝廷始肝食矣。真宗澶淵之盟，至今人不識兵革三朝之事。如此近歲，疆場之臣乃欲試天下於一擲，事成微利，不成詒患，不可聽也。帝曰：慶曆以來，卿知之乎？元昊初臣，何以待之？對曰：臣時爲學士，誓詔封冊皆出臣手。帝曰：卿時已爲學士，可謂舊德矣。故事，歲賜契丹金繒服，召二府觀閱。方平以宣徽使與召，衆謂天子修貢爲辱。方平獨曰：陛下謂宋與契丹凡幾戰，勝負幾何？兩府八人皆莫知也。方平對曰：宋與契丹大小八十一戰，惟張齊賢太原之戰，才一勝耳。陛下視和與戰孰便？上善之。除中太一宮使，進南院判應天府新法，鬻河渡坊場司，豐辰并及宋闕伯微子。

廟方平言宋王業所基闕伯封於商丘以主災火微子爲始封之君是二祠者亦不得免乎帝震怒批牘尾曰慢神辱國無甚於斯於是天下祠廟皆不鬻數請老以太子少師致仕哲宗立加太子太保元佑六年薨年八十五贈司空遺令毋請諡尚書右丞蘇轍爲請乃諡文定方平慷慨有氣節旣告老論事益切富弼自毫移汝見方平曰人固難知意指安石也方平曰某頃知皇祐貢舉或稱其文學辟以考校旣入院凡院中之事皆欲紛更方平惡其人微使出院自是未嘗與語也嘗言道非明民將以愚之國朝自真宗以前朝廷尊嚴天下私說不行好奇喜事之人不

敢以事播撼朝廷故天下之士知爲詩賦以取科第不知其他諺曰水到魚行旣已官之不患其不知政也昔之名宰相皆以此術馭天下仁宗初年王沂公呂申公爲政猶持此論自設六科以來士之翹秀者皆爭論國政之長短漸爲奇論以撼朝廷朝廷往往爲之動搖其始也范諷孔道輔范仲淹三人以才能爲之稱首其後晏元獻爲政鄭公入參政多置諫官以廣上聰二方嚮之而晏公深爲之助乃用歐陽修余靖蔡襄孫沔等並爲諫官諫官之勢自此日橫鄭公猶傾身下士以求譽相師成風上以謙虛爲賢下以傲誕爲高於是私說遂勝而朝廷輕矣李生曰此

說得好、然須參考之陳同甫

司馬光

司馬光字君實、陝西夏縣人、仁宗寶元初中進士甲科、神宗卽位、擢爲翰林學士、上疏論修身治國之要、且曰臣獲事三朝、皆以此六言獻、平生力學、所得盡在是矣、執政以河朔旱傷、國用不足、乞南郊勿賜金帛、光曰救災節用、宜自貴近始、王安石曰國用所以不足、以未得善理財者、光曰善理財者、不過頭會箕斂耳、安石曰不然、善理財者、不加賦、而國用足、光曰天下安有此理、天地所生財貨百物、不在民、則在官、彼設法奪民、其害乃甚於加賦、此蓋桑弘

羊欺武帝之言太史公書之以見其不明耳一日邇英進
讀至曹參代蕭何帝曰漢守蕭何之法不變可乎對曰寧
獨漢使三代之君常守禹湯文武之法雖至今存可也呂
惠卿言先王之法有一年一變者正月始和布法象魏是
也有五年一變者巡守考制度是也有三十年一變者刑
罰世輕世重是也光曰布法象魏布舊法也諸侯變禮易
樂者王巡狩則誅之不自變也刑新國用輕典刑亂國用
重典是謂世輕世重非變也且治天下譬如居室敝則修
之非大壞不更造也三司使掌天下財不才而出可也不
可使執政侵其事今爲制置三司條例司何也宰相以道

佐人主安用例。苟用例則胥吏矣。今爲看詳中書條例司何也。惠卿不能對。光曰：「平民舉錢出息尚能蠶食下戶。況縣官督責之威乎？」惠卿曰：「青苗法願取則與之，不願不彊也。」光曰：「愚民知取債之利，不知還債之害，非獨縣官不彊富民亦不彊也。」帝曰：「坐倉糴米如何？」光曰：「不便。」惠卿曰：「糴米百萬斛，則省東南之漕，而可以其錢供京師。」光曰：「東南錢荒而粒米狼戾，今不糴米而漕錢棄其所有，取其所無，農末皆病矣。」帝是光欲用之，乃拜光樞密副使。光辭曰：「陛下所以用臣，蓋察其狂直，庶有補於國家。若徒以祿位榮之，而不取其言，是以天官私非其人也。」臣徒以祿位自榮，

而不能救生民之患，是盜竊名器以私其身也。遂求去。帝曰：王安石素與卿善，卿何自疑？光曰：自安石執政以來，如蘇軾輩，安石皆毀其素履，中以危法。臣善安石，豈如呂公著、安石初舉公著，後復毀之，一人之身，前是後非，誠可笑也。上曰：蘇軾非佳士，卿誤知之。韓琦贈銀三百兩，不受，而販鹽及蘇木、礬器以歸。光曰：凡察人，當察其情。軾販鬻之利，豈能及所贈之銀乎？且軾縱不佳，豈不賢於李定乎？定不服母喪，而安石善之，乃欲用爲臺官，光由是出知永興軍。徙知許州，趣入覲，不赴。請判西京御史臺，歸洛，自是絕口不論事。元豐五年，資治通鑑書成，加資政殿學士，凡居

洛十五年天下以爲真宰相田夫野老皆號爲司馬相公婦人孺子亦知其爲君實也帝崩赴闕臨衛士望見皆以手加額曰此司馬相公也所至民遮道聚觀馬至不得行曰公無歸洛留相天子活百姓哲宗幼冲太皇太后臨政起知陳州過闕留爲門下侍郎是時天下之民引領拭目以觀新政而議者猶謂三年無改於父之道光曰先帝之法其善者雖百世不可變也若安石惠卿所建爲天下害者改之當如拯焚拯溺况太皇太后以母改子非子改父胡說甚啓爭端矣遂罷保甲諸法或謂光熙豐舊臣多儉巧他日有以父子義間上則禍作矣光正色曰天將祚宗社必無此事元祐

元年得疾時青苗免役將官之法猶在而西戎之議未決光歎曰四患未除吾死不瞑目矣折簡與呂公著云光以身付醫以家事付愚子惟國事未有所托今以屬公乃論免役五害乞直降勅罷之拜尚書左僕射遂罷青苗錢復常平糴糴法兩宮虛已以聽遼夏使至必問光起居教其邊吏曰中國相司馬矣毋輕生事開邊隙畢仲游士安之孫也與光書曰昔安石以興作之說動先帝以財之不足也故凡政之可以得民財者無不用蓋散青苗置市易斂役錢變鹽法者事也而欲興作患不足者情也苟未能杜其興作之情而徒欲禁其散斂變置之事凡號爲利而傷

民者一掃而更之則向來用事於新法者必不喜矣必操
不足之情言不足之事以動上意雖致石人而使聽之猶
將動也爲今之策當大舉天下之計明出入之數以諸路
所積之錢粟一歸地官使經費可支二十年之用數年之
後又將十倍於今天子曉然知天下之餘於財則不足之
論不得陳於前矣光得書聳然光自言吾平生無過人者
但所爲未有不可對人言者耳誠心自然天下敬信陝洛
間皆化其德有不善曰君實得無知之乎光初辭樞密副
韓琦在魏聞之遣人齎書與文彥博云主上倚重之厚庶
幾道行似不須堅讓光聞之曰自古被這般引得壞了名
亦、是、

節爲不少矣。光嘗問邵雍曰：「光何如人？」雍曰：「君實腳踏實地人也。」初，富弼問法於顥，華嚴華嚴得之圓照大本，本住蘇州瑞光寺。弼遣使作頌寄之，執弟子禮。光與范鎮初謂不然，旣久亦入其說。而光猶信之深，後以書戲鎮曰：「賤子悟已久，景仁今尚迷。」又云：「到岍何須筏，揮鋤不用金。浮雲任來往，明月在天心。」此理極致，本無差別。光薨年六十八。李生曰：「善哉！畢仲游之納忠於司馬也。」唐肅宗之語房琯曰：「六軍之命方急，無財則散卿惡。」第五琦可也，何所取財？琯遂不能對。嗚呼！光謂安石不曉理財可也，而謂不加賦而用足，不過設法陰奪民利，其害甚於加賦，以此謂桑弘

羊欺武帝之言則可笑甚矣夫武帝豈易欺者哉且光旣知財貨百物皆天地之所生矣生則烏可已也而可以數計耶今夫山海之藏麗水之金崑山之璧銅鉛銀錫五金百寶之產於地者日入商賈之肆時充貪墨之囊不知凡幾也所貴乎長國家者因天地之利而生之有道耳且大學之教明言生財有大道矣又言生之衆而爲之疾不專以節用言也若專以節用言則必衣皁綈之衣惜露臺之費而後可以有天下而爲天子也夫漢文之恭儉固有道之令主然古今有天下者亦何必皆如漢文而後可若必皆孝文而後可則是富有天下者反不如千金之匹夫矣

人亦何憚而不爲匹夫何羨而必爲天子也邪固宜其不
足以動安石之一領而過神宗大有爲之願也明道所謂
當兩分其過者誠然哉

呂公著

呂公著字晦叔幼嗜學父夷簡器之曰他日必爲公輔登
進士第英宗親政加龍圖閣直學士神宗時召爲翰林學
士知通進銀臺司司馬光以論事罷中丞還經幄公著封
還其命曰光以舉職賜罷是爲有言責者不得盡其言也
詔以告直付閤門公著又言制命不由門下則封駁之職
因臣而廢願理臣之罪以正紀綱時王安石方行青苗法

公著極言曰自古有爲之君未有失人心而能圖治亦未有脅之以威勝之以辯而能得人心者昔人之所謂賢者今皆以爲非而王議者一切詆爲流俗浮論豈昔皆賢而今皆不肖乎安石怒其深切出知潁州哲宗卽位拜尚書右僕射兼中書侍郎三省並建中書獨爲取旨之地乃請事于三省者與執事同進呈取旨而各行之又執政官率數日一聚政事堂事多決於其長同列莫得預至是始命日集遂爲定制與司馬光同心輔政光薨獨當國先時制舉罷詞賦專用王安石經義且雜以釋氏凡士子自一語上非新義不得用學者至不誦正經惟竊安石之書以干

進精熟者轉上第以故科舉益敝公著乃令禁主司出題
不得用老莊經義參用古今諸說毋得專取王氏復賢良
方正科三年拜司空同平章軍國重事宋興以來宰相以
三公平章重事者四人而公著與父居其二詔建第於東
府之南啓北扉以便執政會議凡三省樞密院之職皆得
總理間日一朝因至都堂其出不以時蓋異禮也明年薨
年七十二謚正獻公著平章軍國時或曰嘉問敗壞家法
可惜公著不答客愧而退一客少留曰司空尚能容呂惠
卿何況族黨此人妄意迎合可惡也公著又不答旣歸子
弟請問二客之言何如公著亦不答初嘉問竊從祖公弼

論新法奏稿以示安石公弼遂斥外呂氏號爲家賊者也

呂大防

呂大防京兆人進士及第調永壽令縣無井大防行近境得二泉欲導之入縣而地勢高衆疑無成大防用考工水地置泉之法以準之不旬日果疏爲渠民賴之號曰呂公泉英宗卽位遷太常博士監察御史裏行出知休寧縣哲宗卽位爲翰林學士遷吏部尚書夏使來詔訪待遇之禮且曰向者所得邊地雖建立城堡終慮孤絕難保棄之則弱國守之恐有後悔大防言夏人無能爲今使者到闕宜令押伴臣僚扣其不賀登極之故新收疆土議者多言可

棄此慮之不熟也。至於守禦之策，惟擇將帥爲先。昔太祖用姚內斌、董遵誨守環慶，西人不敢入侵。昔以二州之力禦敵而有餘，今以九州之大奉邊而不足，由是言之，在於得人而已。元祐三年，呂公著告老，超拜大防尚書左僕射兼門下侍郎、大防。見哲宗年益壯，請勅講讀官取仁宗邇英御書解釋上之。又撫乾興以來四十二事，足以爲勸戒者，分上下篇，標曰仁宗聖學。大防朴厚，愬直，不植黨與。范純仁並位凡八年，宣仁后崩，爲山陵使，未幾左正言上官均論其墮壞役法，右正言張商英、御史周秩、劉拯相繼攻之。貶秘書監，分司南京。言者又以修神宗實錄直書其事。

爲誣詆徙安州時章惇復相矣大防有兄大忠自渭入對
哲宗詢大防安否且曰執政欲遷諸嶺南朕獨令處安陸
可爲朕寄聲問之大防朴直爲人所賣三二年可復相見
也大忠泄其語於章惇惇懼繩之愈力紹聖四年安置循
州至處州信豐而病語其子景山曰章惇必欲殺我吾不
復南矣吾死汝歸呂氏尚有遺種遂死年七十一大防身
長七尺眉目秀發聲音如鐘自少持重過市不左右目燕
居如對賓客每朝會威儀翼如神宗常目送之與大忠及
弟大臨同居相切磋論道考禮冠昏喪祭一本於古關中
言禮學者推呂氏嘗爲鄉約曰凡同約者德業相勸過失

相規禮俗相交、患難相卹、有善則書於籍、有過若違約者亦書之、三犯而行罰、不悛者絕之。

范鎮

范鎮字景仁、成都人、薛奎守蜀、見而愛之、館於府舍、及還朝、載以俱、或問奎入蜀何所得、曰得一偉人、當以文學名世、舉進士禮部、奏名第一、故事、殿廷唱第、過三人則首禮部者、必越次抗聲自陳、因得寘上列、吳育、歐陽修皆然、鎮獨不、調新安主簿、爲東監直講、宰相龐籍言鎮有異材、超授直秘閣、擢起居舍人、知諫院、上疏論民田困敝、又言周以冢宰制國用、唐以宰相判鹽鐵度支、今中書主民樞密

主兵三司主財各不相知財已匱樞密益兵無窮民已困
三司取財不已請使二府通知兵民大計與三司同制國
用帝天性寬仁言事者競爲激訐至汚人以帷簿不明事
鎮獨引大體非關朝廷安危生民利疚則濶略不言宰相
陳執中有嬖妾殺婢御史劾奏欲逐去之鎮言陰陽不和
財匱民困執中當任其咎今御史捨大責細暴揚燕私若
用此爲進退是因一婢逐宰相非所以明等級辨堂陛也
識者韙之時帝未有繼嗣嘉祐初帝暴得疾鎮拜疏請拔
近屬之尤賢者置之左右以繫億兆人心不報復累上章
亦不報執政諭之曰奈何効希名干進之人乎鎮凡見上

面陳者三。鎮泣。帝亦泣。曰。朕知卿忠。卿言是也。當更俟三
二年。鎮章十九上。待命百餘日。鬚髮爲白。朝廷知不能奪。
乃罷知諫院。改集賢殿修撰。遂知制誥。鎮雖解言職無歲。
不申前議。見帝春秋益高。每因事及之。輒感帝意。至是因
入謝。首言陛下許臣。今復三年矣。願定大計。又因祫享。獻
賦以諷。英宗立。遷翰林學士。明年出知陳州。神宗卽位。復
爲翰林學士。兼侍讀。知通進銀臺司。王安石改常平爲青
苗。鎮言常平之法。起於漢盛時。視穀貴賤。發斂以便農末。
最爲近古。不可改。而青苗行於唐之衰世。不足法。時韓琦
極論新法之害。李常亦乞罷青苗錢。有詔分析。鎮皆封還。

詔五下鎮執如初及鎮舉蘇軾爲諫官而御史謝景溫奏
罷之舉孔文仲制科又以文仲前對策論新法不便罷歸
故宮於是鎮上疏曰臣言不行無顏復立於朝臣言青苗
不見聽一宜去薦蘇軾孔文仲不見用二宜去李定避持
服遂不認母壞人倫逆天理而欲以爲御史御史臺爲之
罷陳薦舍人院爲之罷宋敏求呂大臨蘇頌諫院爲之罷
胡宗愈王韶上書肆意欺罔以興造邊事事敗則置而不
問反爲之罪帥臣李師中疏五上不報又曰陛下有納諫
之資大臣進拒諫之計陛下有愛民之性大臣用殘民之
術疏入安石怒持其疏至手顫自草制極詆之以戶部侍

郎致仕、凡所得恩典悉不與、鎮表謝略曰、願陛下集羣賢、爲耳目、以除壅蔽之姦、任老成爲腹心、以養和平之福、天下聞而壯之、蘇軾往賀曰、公雖退名益重矣、鎮愀然曰、君子言聽計從、消患於未萌、使天下陰受其害、而吾享其名、吾何心哉、久之徙居許、哲宗立、用韓維薦、起提舉中太一宮、兼侍讀、且欲以爲門下侍郎、從孫祖禹勸止之、鎮遂固辭、以銀青光祿大夫致仕、累封蜀郡公、鎮於樂尤注意、自謂得古法、獨主房庶以律生尺之說、司馬光謂不然、往復論難、凡數萬言、薨年八十一、鎮平生與司馬光相得、議論如出一口、且約生則互爲傳、死則作銘、光生爲鎮傳、服其

勇決鎮復銘光墓言熙寧姦朋淫縱險詖憮猾賴神宗洞
察其奸云云光十康屬蘇軾書之軾曰軾不辭書懼非三
家之福乃易他銘鎮少時賦長嘯却胡騎晚使遼遼人相
目曰此長嘯公也

范祖禹

祖禹字淳甫生時母夢一偉人被金甲而入曰吾漢將軍
鄧禹也既寤猶見之遂以爲名幼孤叔祖鎮撫育之進士
甲科從司馬光編修資治通鑑書成光薦爲秘書省正字
哲宗立擢右正言呂公著執政祖禹以壻嫌辭公著薨召
拜右諫議大夫遷給事中吳中大水詔出米賑之諫官謂

訴災不實，乞加考驗。祖禹封還其章，云：「國家根本，仰給東南。今一方赤子，開口仰哺，以脫朝夕之急，奏災雖小，過實正當略而不問。若稍施懲譴，恐無復敢言者矣。時禁中覓乳媪，祖禹以帝年十四，非近女色之時，上疏勸上進德愛身。又乞宣仁后保護上躬。宣仁后面諭祖禹曰：「外間虛傳不可信也。」祖禹曰：「外議雖虛，亦足爲先事之戒。凡事言於未然，則誠爲過；及其已然，則又無及。陛下寧受未然之言，勿使臣等有無及之悔。」拜翰林學士。宣仁太后崩，中外洶洶莫敢發言。祖禹慮小人乘間害政，乃奏曰：「先后有大功於社稷，九年之間，始終如一，恐群小怨恨，必將以改先帝。」

之政。遂先帝之臣爲言。以事離間。不可不察也。先后因天下之心。變而更化。旣改其法。則作法之人有罪。當退。亦順衆言而退之。豈有憎惡於其間哉。初蘇軾約俱上章論列。諫草已具。見祖禹疏。遂附名同奏。曰公之文經世之文也。祖禹又言。先后以大公爲心。罷安石。惠卿所造新法而行。祖宗舊政。故社稷危而復安。乃至遼主戒其臣勿生事。曰南朝專行仁宗之政矣。外夷之情如此。中國之人心可知。章累上不報。因請對。曰熙寧之初。王安石呂惠卿造立新法。悉變祖宗之政。蔡確連起大獄。王韶創取熙河。章惇開五溪。沈起擾交管。徐禧俞充种諤。與西事。兵民死傷。皆不

下二十萬以至吳居厚行鹽冶之法於京東王子京行茶
法於福建蹇周輔行鹽法於江西李稷陸師閔行茶法市
易於西蜀劉定教保甲於河北民心嗟怨比屋思亂賴陛
下與先后起而救之天下之民如解倒懸惟是向來斥逐
之人窺伺事變妄意修改如得至左右必進姦言希圖復

正要用之則自同心矣此數

言甚端

大差

刪矣時紹述之論已興有相章惇意祖禹力言惇不可用
不從遂請外知陝州言者論其修實錄詆誣又撫其諫禁
中乳媪事連貶昭州別駕安置永州賀州又竄化州卒年
五十八祖禹在邇英嘗講尚書至內作色荒外作禽荒拱
手再誦却立云願陛下留聽帝首肯乃退蘇軾稱為講官

第一進唐鑑十二卷唐鑑深明唐三百年治亂學者尊之
目爲唐鑑公云

藏書儒臣傳卷三十四

終

三十四

乙

月

第一

藏書儒臣傳卷三十五

行業儒臣

鄒浩

鄒浩，晉陵人，第進士。哲宗親擢爲右正言。章惇用事，威虐震赫，浩上章劾其不忠慢上之罪，未報。而賢妃劉氏立，浩言：「今爲天下擇母，而所立乃賢妃，一時公議莫不疑惑，誠以國家自有仁祖故事，仁祖初廢后，并斥美人，及立后，則不選于妃嬪，而卜于貴族。今陛下之廢孟氏，天下孰不疑立賢妃爲后者？」望乞追停冊禮。帝變色，猶持其章，躊躇四顧，乃付外。明日，章惇詆其狂妄，乃削官，羈管新州。徽宗立，

召還復爲右正言進中書舍人遷兵吏二部侍郎初浩還朝帝首言及諫立后事因問諫草安在浩對曰已焚之矣退以告陳瓘瓘曰禍其始此乎異時姦人妄出一緘則不可復辨也浩凡三諫立劉后隨削其稿蔡京用事素忌浩乃使其黨爲僞疏言劉后殺卓氏而奪其子欺人可也詎可以欺天平徽宗詔暴其事遂竄昭州五年始得歸稍復直龍圖閣卒年五十二浩所與游田畫王回曾誕皆良士也元符中浩爲諫官畫監京城門作墨子詩有知君旣得雲梯後應悔當年泣染絲旣而畫以病歸許聞浩諫立后事得罪出新州畫迎諸塗浩與語出涕畫正色責之曰使

志完隱默官京師遇寒疾不汗五日死矣豈獨嶺海之外
能死人哉回仙遊人第進士調松滋令皇后劉氏立浩將
論之密告回回曰事寧有大於此者乎浩南遷人莫敢顧
回斂交游錢與治裝往來經理慰安其母邏者以聞逮詣
詔獄御史詰之對曰實嘗預議不敢欺也因誦浩所上章
幾二千言獄上除名停廢曾誕公亮從孫也孟后之廢誕
三與浩書勸力請復后浩不報及浩以言南遷誕著玉山
主人對問以譏之其略謂孟后之廢人莫不知劉氏之將
立至四年之後而冊命未行是天子知清議之足畏也使
當其時浩能力言復后以感悟天子則無今日劉氏之事

矣

呂大臨

呂大臨字與叔藍田人學於程頤通六經尤邃於禮其論選舉曰古之長育人才者以士衆多爲樂今之主選舉者以多爲患古以禮聘士常恐士之不至今以法待士常恐士之競至夫爲國之要不過得人以治其事如爲治必欲得人惟恐人才之不足而何患於多如治事皆任其責惟恐士之不至不必憂其競至也今取人而用不問其可任何事任人以事不問其才之所堪與否故入流之路不勝其多然爲官擇士則常患乏才待次之吏歷歲不調然考

○千○載○通○患○

其職事則常患不治。是所謂名實不稱。本末交戾。如此而欲得人而事治。未之有也。元祐中爲太學博士。遷秘書省正字。范祖禹薦其好學修身如古人。可備勸學。未及甲而卒。大臨詩云。學如元凱。方成癖。文似相如。始類俳。獨立孔門。無一事。只輸顏氏得心齋。

陳師道

陳師道字履常。又字無已。曾鞏見其文。竒之。元祐初。蘇軾傳堯俞孫覺薦其文行。起爲徐州教授。又用梁燾薦爲太學博士。言者謂師道常越境出南京見蘇軾。又論其進非科第。罷之。久乃召爲秘書省正字。初游京師。傳堯俞欲識

其面以問秦觀。觀曰：是人非持刺字伺候公卿之門者，不可致也。章惇在樞府，將薦之于朝。師道答書曰：公卿不下士尚矣，乃特見於今，而親於其身，幸孰大焉！愚雖不足以齒士，猶當從侯之後，順下風以成公之名。然先王之制士，不傳贊爲臣，則不見於王公。夫相見所以成禮，而其敝必至。自鬻故先王謹其始，以爲之防，而爲士者世守焉。師道於公前有貴賤之嫌，後無平生之舊。公雖可見禮，不可見也。且公之見招，以能守區區之禮也。若昧禮冒法，聞命奔走，則失其所以見招矣。又何取焉？終不往。師道素惡趙挺之，適預郊祀行禮，寒衣未裝綿，其妻就假挺之家。師道却

去不服遂因寒疾致死

張浚

張浚字德遠漢州綿竹人建炎三年春金人南侵車駕幸錢塘留朱勝非捍吳門與浚同節制軍馬已而勝非召浚獨留會苗傅劉正彥作亂收元赦書至平江時傅等僞詔以承宣使張俊爲秦鳳路總管浚知上遇俊厚急邀俊握手語以將起兵問罪之事時呂頤浩節制建業劉光世領兵鎮江浚遣人賁蠟書約以兵來會而命俊先分兵扼吳江遂上疏請復辟會韓世忠舟師亦抵常熟浚以書招之世忠至對浚慟哭浚因大犒俊世忠將士呼諸將校至前

抗聲問曰聞賊以重賞購吾首若浚此舉違天悖人汝等
可取浚頭去不然一有退縮悉以軍法從事於是世忠等
以兵赴闕傳正彥脫遁帝復辟浚之力也初浚次秀州忽
有客夜直至前出一紙曰此苗傅劉正彥募賊公賞格也
浚問何欲客曰僕河北人粗讀書知逆順豈以身爲賊用
特見爲備不嚴恐有後至者耳浚下執其手問姓名不告
而去浚翌日斬死囚徇衆曰此苗劉刺客也浚見帝曰今
日中興當自關陝始帝乃以浚爲川陝宣撫使得便宜黜
陟時金帥兀朮猶在淮西浚懼其復擾東南謀牽制之決
策治兵欲合五路之師以復永興初浚以御營司提舉曲

○高○人

端屢挫虜、承制拜爲威武大將軍、本司都統制、後以人言
疑之、使張彬詣渭州察之、彬至端告之曰、彼將士精銳、且
因糧於我、我反爲客、未必可勝、若按兵據險、時出偏師、以
擾其耕獲、彼不得耕獲、必取糧河東、則我爲主矣、如此一
二年、乃可圖也、彬還白浚浚不以爲然、遂罷端兵柄、萬安
軍安置、而檄召熙河劉錫、秦鳳孫偓、涇原劉琦、環慶趙哲
四經略、及吳玠之兵、合四十萬人、馬十一萬匹、以錫爲統
帥、迎敵決戰、王彥進曰、陝西兵將上下之情未通、若不利
則五路俱失、不若且屯利閬興洋以固根本、敵入境則檄
五路之兵來援、萬一不捷、未大失也、劉子羽、吳玠、郭浩亦

力言未可。浚皆不從。遂行。次於富平縣。劉錫會諸將議戰。玠曰：「兵以利動。今地勢不利。宜擇高阜據之。使不可勝。」已而婁室引兵驟至。浚乃詐立前軍都統曲端旗以懼虜。婁室曰：「聞曲將軍已得罪。必給我也。」遂與柴囊土籍淖平行。進薄諸營。錫等與之力戰。劉錡身率將士薄敵陳。殺獲頗衆。會環慶帥趙哲擅離所部。哲軍將校望塵驚遁。諸軍皆潰。五路悉陷。輜重焚棄。將士散亡。惟有親兵千餘自隨。人情大沮。浚乃斬哲以徇。或請徙治夔州。叅軍事劉子羽叱之曰：「孺子可斬也。四川全盛。敵欲入寇久矣。直以川口有鐵山棧道之險。未敢遽窺爾。今不堅守。縱使深入。而吾假

處夔峽、遂與關中聲援不相聞、進退失計、悔將何及、今宣
司、但當留駐興州、外繫關中之望、內安蜀之心、急遣官
屬出關、呼召諸將、收集散亡、分布隘險、堅壁固壘、觀釁而
動、庶幾可補前愆、爾將軍曲端者、建炎中嘗追逐帥臣王
庶而奪其印、吳玠敗於彭原、訴端不整師、故憾端、聞浚將
復用端、玠乃書曲端謀反於手以示浚、王庶又言端嘗作
詩題柱曰、不向關中興事業、却來江上泛漁舟、浚遂送端
於恭州獄、有武臣康隨者、嘗以事忤端、端鞭其背、及浚以
隨提點夔路刑獄、乃命獄吏繫維端、以紙糊其口、燬之以
火、端乾渴求飲、與之酒、九竅流血而死、陝西士大夫以端

累立大功死非其罪莫不痛惜之帝乃詔浚赴行在以本
官提舉洞霄宮居福州浚既去國慮金人釋川陝之兵必
將併力窺東南上疏極言其狀未幾劉豫之子麟果引金
人入攻趙鼎又薦浚乃復召浚入見除知樞密院事浚既
受命卽日赴江上視師五年除尚書右僕射都督諸路軍
馬趙鼎除左僕射浚與鼎同志輔治七年乘輿發平江至
建康浚總中外之政幾事叢委一以身任之劉光世在淮
西軍無紀律浚奏罷光世命參謀兵部尚書呂祉往廬州
節制且以王德爲都統制酈瓊副之都承旨張宗元明人深以
爲不可謂浚曰瓊等畏德如虎今乃使臨其上是速之叛

也浚不以爲然及德視事教塲瓊登而言曰尋常伏事太

尉不周今日乞做一牀錦被遮蓋德素獷勇竟不出一語

慰撫之張宗元知其事復語浚曰業已爾今獨有終任德

或可以鎮不然變且生矣浚亦不以爲然遂奏召德還以

張俊爲淮西宣撫使駐盱眙楊沂中爲淮西制置劉錡副

之並駐廬州且命鄺瓊以所部兵赴行在意將奪其軍而

誅之宗元語人曰是速瓊等叛爾會祉復密奏罷瓊兵柄

瓊遂帥全師四萬人渡淮降劉豫呂祉被害浚乃引咎求

去落職居永州十六年彗星出西方浚極論時事疏上秦

檜大怒以張柄知潭州汪召錫使湖南使圖浚會檜死乃

免三十一年金王亮兵大入中外震動復命浚判建康府兼行宮留守衛士見浚無不以手加額時浚起廢復用風采隱然軍民皆倚以爲重孝宗卽位召浚入見除樞密使都督建康鎮江等處軍馬浚旣入見屢奏欲先取山東時名士如胡銓王十朋汪應辰等皆浚門人交讚其謀左僕射史浩獨不以爲然曰我出兵山東以牽制川陝彼獨不能驚動兩淮荆襄以解山東之急邪今惟當固守要害以爲不可勝之計若乃順諸將之虛冀收無用之空城寇去則論賞於朝寇至則僅保山寨何益乎旣而主管殿前司公事李顯忠建康都統制邵宏淵皆奏乞引兵進取浩曰

二將輒自乞戰。豈督府命令有不行耶？李椿以書遺浚子
栻曰：復讐討賊，天下大義。然必養威觀釁，然後可圖。今議
不出督府而出諸將，則已爲輿尸之凶矣。況藩籬不固，儲
備不豐，將多而非木，兵弱而未練，乎？武鋒軍都統制陳敏
曰：盛夏興師，恐非其時。兼聞金重兵皆在大梁，萬一深入
我客彼主，千里爭力，人疲馬倦，勞逸旣異，勝負之勢先形
矣。浚皆不聽。參贊軍事唐文若、陳俊卿亦以爲不若養威
視釁，俟萬全而後動，亦不從。遂表請帝即日幸建康以成
北伐之功。史浩曰：古人不以賊遺君父，必俟乘輿臨江而
後成功，則安用都督爲哉？上以問浩。浩陳不可者三：孝宗

五次

大悟、謂浚曰、都督先往行邊、俟有功緒、朕亦不憚一行、浚不悅、尋復與浩論辯於殿廷、浚曰、中原久陷、今不取、豪傑必起而取之、浩曰、中原妙必無豪傑、若有之、何不起而亡金、浚曰、彼民間無寸鐵、不能自起、浩曰、勝廣能以鉏耰棘矜亡秦、彼必待我兵至、非豪傑矣、若有豪傑而不能起、則是快人金猶有法制維持、未可以遽取也、且今二十萬人留屯江淮者、幾何、曰、十萬、復爲計其守舟運糧之人、則各二萬、則戰卒纔六萬爾、彼豈畏是哉、彼或以重兵犯兩淮、荆襄爲之牽制、則江上危如累卵矣、都督於是、在山東乎、在江上乎、如此詰難、凡五日、浩又曰、平日願執鞭而不可得、幸同

事任而數數議論不同。明公以大讐未復，決意用兵。此實忠義之心。然不觀時勢而遽爲之，是徒慕復讐之名爾。誠欲建立功業，宜假以數年，先爲不可勝，以待敵之可勝，乃上計也。明公四十年名望如此，一旦失利，當如何哉？浚曰：丞相言是也。雖然，浚老矣。浩曰：晉滅吳，杜征南之功也。而當時歸功於羊太傅，以規模出於祐也。明公能先立規模，使後人藉是有功，是亦明公之功。何必身爲之？浚默然。明日，浚奏曰：史浩意不可回，惟陛下英斷。且金人至秋必爲邊患。帝然其言。於是不由三省密院，徑檄諸將出師。高宗謂上曰：母信張浚虛名。將來必悞大計。浩遂力請罷歸。出

知紹興府、浚至揚州、合江淮兵八萬人、實可用者六萬、浚移書令宏淵聽顯忠節制、淵不悅、已而復令顯忠宏淵同節制、於是悉無體統矣、遂夜引還、至符離、師大潰、是舉所喪軍資器械殆盡、浚上疏待罪、孝宗賜浚書曰、今日邊事倚卿爲重、前日舉事之初、朕與卿任之、今日亦須與卿終之、勿介意也、浚留平江、凡八上章乞致仕、乃除醴泉觀使、行次餘干、得疾、手書付二子、曰、吾嘗相國、不能恢復中原、雪祖宗之耻、卽死、不當葬我先人墓左、葬我衡山下足矣、訃聞、孝宗震悼、輟視朝、贈太師、謚忠獻。

張栻

栻字敬夫浚之子以蔭補官少從胡宏問河南程氏學作
希顏錄以自警時孝宗新卽位浚起謫藉開府治戎參佐
皆極一時之選而栻以少年周旋其間間以軍事入奏宰
相虞允文重栻數遣人致慇懃栻皆不答明年召爲吏部
侍郎栻還朝未朞歲而召對者六七栻可謂知遇矣俄而
詔以知閤門事張說簽書樞密院事栻草疏極言其不可
旦詣朝堂詰責宰相虞允文曰宦官執政自京黼始近習
執政自相公始乃復奏命得中寢明年出知袁州淳熙改
元栻家居累年矣上復念栻詔除舊職知靜江府所統州
十有五栻爲之簡閱州兵汰冗補闕籍諸卒黥卒伉健者

何也

以爲用、改知江陵府、械入境、首劾大吏之縱賊者、罷之、捕
姦民之舍賊者、斬之、羣盜相率遁去、並淮姦民出塞爲盜、
法皆處死、至是捕得數人、皆斬之、仍有胡奴在其中、械命
縛以歸之、卒時年四十八、其曰學莫先於義利之辨、凡有
所爲而爲者、皆私也、非義也、此尤其平生得意之論也、李
生曰、嗟乎、世豈嘗有無所爲而爲之事哉、真欺我矣、

陸九齡

九齡字子壽、登進士第、淳熙元年、調興國軍教授、淳熙二
年、湖南有寇、將及郡境、衆請於郡、乞以九齡主之、或者不
可、九齡曰、男子生、以弧矢、長不能射、則辭以疾、文事武備、

初不可析。若夫衛靈公無道。既見夫子。不知哲人。是尊社稷。是計。而猥至問陳。故夫子答以俎豆。而遂行耳。然爲委吏乘田。則會計當。苗壯長。未嘗廢也。使靈公舍戰陳。而問會計牧養之事。夫子將遂言之乎。已而調度有方。備禦有實。寇雖不至。而郡縣倚以爲重。是年與朱熹呂祖謙會於鵞湖。四年。到任興國。地瀕大江。民寒嗇。九齡端桀。屢勸綏。引翼士方興於學。而九齡以丁艱去矣。服除。調全州教授。未上。以疾終。年四十九。

楊萬里

楊萬里。字廷秀。吉水人。中紹興二十四年進士。調永州零

陵丞時張浚謫永、勉以正心誠意之學、萬里服其教、乃名讀書之室曰誠齋。浚入相、薦之、陳俊卿、虞允文相繼爲相、亦交薦萬里于朝、乃召爲國子博士、遷太常丞、東宮講官、闕、帝親擢爲侍讀、遷秘書少監、高宗崩、孝宗欲行三年喪、創議事堂、命皇太子參決庶務、萬里上疏力諫、且上太子書、言天無二日、民無二王、一履危機、悔之何及、與其悔之而無及、孰若辭之而不居、太子悚然、紹熙元年、出知贛州、不赴乞祠、自是不復出矣、寧宗嗣位、召赴行在、辭、嘉泰三年、詔進寶謨閣直學士、給賜衣帶、開禧元年、召復、辭、明年、升寶謨閣學士、卒年八十三、光宗嘗書誠齋二字以賜萬

里故學者稱爲誠齋先生

趙汝愚

附韓侂冑

趙汝愚宗室子也擢進士第一除秘書省正字光宗朝遷知樞密院事孝宗不豫光宗御後殿丞相留正率同列入請詣重華宮侍疾不報孝宗崩車駕不至留正與汝愚議介少傅吳玕請憲聖太后垂簾暫主喪事憲聖不許中外人情洶洶近習巨室競輦金帛藏匿村落侍從大臣皆欲相率出城蓋先是正與汝愚共請垂簾以國本係嘉王欲因簾前奏陳使命出簾幃之間事行廟堂之上則體正言順可無後艱而吳玕素畏愼且以后戚不欲與聞大計會

工部尚書趙彥逾至汝愚因言此事汝愚知彥逾素善郭
杲因繆曰郭杲儻不同奈何彥逾曰某當任之彥逾馳告
郭杲曰近日外議湏洞太尉知否太尉爲國虎臣此事全
在太尉杲未語彥逾曰太尉不答豈太尉別有謀乎杲矍
然起曰敢不效使令遂與區處發軍坐甲等事還報汝愚
議乃定明日留正以五更肩輿出城去人心遂搖賴汝愚
恬然處之自吳琚之議不諧汝愚與徐議葉適共謀遣韓
侂冑以內禪之意請于憲聖侂冑因託所善內侍張宗尹
以奏不獲明日往又不獲侂冑遂巡將退適遇重華宮提
舉關禮侂冑乃復以汝愚意告之禮遂入見憲聖而泣曰

聖人讀書萬卷亦嘗見有如此時而保無亂者乎。今丞相已去所賴者趙知院旦夕亦去矣。憲聖曰如此則可令諭好爲之禮報侂冑。侂冑復命汝愚始以其事語叅政陳騤及余端禮使郭杲及部帥閻仲夜以兵衛南北內禮使其姻黨宣贊舍人傅昌朝密制黃袍憲聖垂簾皇子卽位汝愚率同列再拜寧宗詣几筵殿哭盡哀汝愚卽喪次召還留正復長百僚命朱熹待制經筵悉收召士君子之在外者侍御史張叔椿請議棄國之罰汝愚不聽加郭杲節度使侂冑防禦使侂冑大失望徐誼曰侂冑異時必爲國患宜飽其欲而遠之葉適亦謂汝愚曰侂冑所望不過節錢

宜與之。朱熹曰：汝愚宜以厚賞酬勞，勿使預政。汝愚謂其易制，皆不聽。侂冑自以有定策功，且依託肺腑，出入宮掖，

居中用事。朱熹進對，又每以此爲言。一日，熹講畢，因奏疏，

極詆侂冑姦邪，疏入，據出內批，除熹宮觀。趙彥逾亦以功

大冀，汝愚引與同列，而除四川制置，乃與侂冑合謀，盡疏

當時有名人士，皆指爲汝愚之黨，而誣汝愚以宗臣謀危

社稷。汝愚遂罷相，以大學士提舉洞霄宮，國子祭酒李祥

博士楊簡以爲言，皆劾罷之。太府丞呂祖儉亦上書訴汝

愚之忠，詔送韶州安置。太學生楊宏中等亦伏闕請留，悉

送五百里外羈管。侂冑忌汝愚益深，謂不重貶，人言不已。

乃責寧遠軍節度副使永州安置於是汪義端行辭用漢
誅劉屈氂唐戮李林甫事示欲殺之意廸功節趙師召亦
上書乞斬汝愚汝愚恬然就道至衡州爲守臣錢鏐所寃
遂服藥而卒天下聞而寃之侂胄誅始盡復元官賜諡忠
定

韓侂胄琦曾孫也侂胄雖恨汝愚然以傳道詔旨故浸見
親幸得時時乘間竊威福朱熹入侍講白奏其姦侂胄怒
熹使優人義冠濶袖象大儒戲於上前雩州劉黻者與侂
胄同知閣門事謂侂胄曰趙相欲專大功君豈惟不得節
度將恐不免嶺海之行矣侂胄愕然問計黻曰惟有用臺

諫爾侂冑悟卽以內批除所知爲監察御史及殿中侍御史而用劉三傑伐吳獵爲監察御史於是言路皆侂冑之黨矣然侂冑欲逐汝愚而無其名於是又謀之京鏜鏜曰彼宗姓誣以謀危社稷可也汝愚因此罷相而侂冑始拜節度使復加開府儀同三司先是淳熙八年以王淮爲右丞相淮問楊萬里曰宰相先務何事萬里曰人才因疏朱熹袁樞以下六十人與淮淮卽以朱熹提舉浙東常平茶鹽下熹社倉法于諸路及後朱熹行部至台知州唐仲友爲其民所訟熹按得其實而仲友與淮同里且嫻有親已除江西提刑未行而熹論之淮匿其章不以聞熹論益力

章前後六上淮不得已奪仲友太、多、了江西新命以授熹熹辭不拜遂乞奉祠淮以仲友之故怨熹於是吏部尚書鄭丙上言近世士大夫有所謂道學者欺世盜名不宜信用淮又以太府丞陳賈爲監察御史賈因面對首論曰臣伏見近世道學其說以謹獨爲能以踐履爲高以正心誠意克己復禮爲事若此之類皆學者所共學也而其徒乃謂己獨能之夷考其所爲則又大不然不幾於假其名以濟其僞邪十五年王淮罷淮爲相能盡心敬事惟以唐仲友故爲道學之禁淮旣罷周必大薦熹爲江西提刑入奏事時幸臣曾覲已死王抃已逐獨內侍甘昇尚在熹力論之帝曰

昇有木熹曰、小人無才、安能動人主、遂除熹兵部郎官、熹以足疾乞祠、先日兵部侍郎林栗與熹論易西銘不合、至是栗論熹本無學術、徒竊張載程頤緒餘、以爲浮誕、宗主今采其虛名、俾之入奏、將置朝列、而熹聞命、遷延不肯供職、緣熹旣除兵部郎官、在臣各有統攝、若不舉劾、厥罪惟均、帝謂栗言過當、乃出栗知泉州、而熹亦除直寶文閣、奉祠去、及韓侂冑用事、士大夫素爲清議所擯者、乃敎以盡目之爲僞學云、慶元二年、端明殿學士葉翥與劉德秀同知貢舉、奏言僞學之魁、以匹夫竊人主之柄、鼓動天下、乞將語錄之類、盡行除毀、故是科取士、稍涉義理者、悉皆黜

落六經語孟中庸大學之書爲世大禁遂有詔監司帥守
薦舉改官並於奏牘前聲說非僞學之人會鄉試漕司前
期取家狀必令書以不是僞學四字撫州推官柴中行獨
申漕司云自幼習易讀程氏易傳未委是與不是僞學如
以爲僞不願考較士論壯之時臺諫皆韓侂冑所引爭欲
以熹爲奇貨然皆未敢先發而胡紘未達時嘗謁熹於建
安熹待學子惟脫粟飯紘不說語人曰此非人情○痛○切○隻雞尊
酒山中未爲乏也遂與沈繼祖共論熹十罪詔熹落職名
罷祠竄蔡元定於道州已而選人余嘉上書乞斬熹以絕
僞學宰臣謝深甫抵其書於地語同列曰朱元晦蔡元定

不過自相講明耳。果何罪乎？事乃止。中書舍人范仲藝謂
侂胄曰：「章惇蔡確之權，不爲不甚，然而至今得罪于清議
者，以同文獄耳。相公胡爲蹈之？」侂胄曰：「某初無此心，以諸
公見迫，^眞不容但已。」問其人，乃知京鏜、劉德秀實主其議。侂
胄取錄黃藏之事，遂格京鏜死。侂胄亦稍厭前事，欲漸更
改，以消中外之議。或說侂胄以爲不弛黨禁，後必不免。侂
胄以爲然，追復汝愚、朱熹職，程正、周必大亦復秩，還政徐
誼等，皆先後復官。僞黨之禁寢解。三年，侂胄拜太師。侂胄
旣據勢專權，遂欲立蓋世功名以自固，而恢復之議興矣。
朝廷後不得已，斬侂胄，函其首以遺金人。是時金已衰弱。

當路者畏懦、惟恐稍失其意、乃聽其恐喝、一切從之。當時有詩誚曰：歲幣頓增三百萬、和戎又送一於期。自侂冑用事十四年、威行宮省、權震寓內、當時有由竇尚書屈膝報政、南園山莊竹籬犬吠、共爲傳笑焉。然侂冑非有秦檜之奸惡也、不過貪富貴、患得失之小人耳。若皆目之爲奸、欲必去之、則太甚矣。其釀成勢焰、流毒邦家、則以君子自負者、激而成之、殊可怪也。李生曰：侂冑之得志、汝愚薦之也。道學之受禍、晦翁導之也。當時汝愚若以節度使授侂冑、則侂冑已矣。節度使不與而與太師可乎？夫當朝廷賞功之時、則宜以賞功爲重、一毫已見不可用也。而曰我爲宗

臣爾爲外戚可歟我欲博宗臣不受賞之名矣而欲抑侂
冑以同我又可歟縱曰其人不可吾姑欲假此以抑之則
此賞功者也非所以論人也吾又安得作好惡於其間哉
夫趙爲丞相朱爲講官侂冑未得志也而朱先生侍講首
以侂冑爲言何哉旣約彭龜年共攻之矣他日經筵復留
身論奏至于再至于三必欲決去之而後已吾恐天下之
人耳盡聾目盡瞎亦必以我爲阿附丞相者矣縱家置一
喙告之曰我不爲黨不立異不爲僞必不信也夫我以彼
爲小人彼亦必以我爲小人此定理也彼以我爲僞學我
旣以爲不是則我以彼爲小人彼又安肯是我哉彼此不

相爲是其又安所定也。且夫我本欲決去小人者也。而小人又決不去。是無術也。苟無術。是無學也。旣無學。又何以從政而安人乎。則謂我爲僞學。亦可矣。浙東初命先生。卽以唐仲友爲奇貨。甫入奏事。先生又以甘昇爲首禍。信如所言。則凡在君側者。必如先生而後可矣。又安可得也。夫孝宗願治之主也。治貴適時。學必經世。彼其時爲人臣子者。觸目激哀。哀號痛恨。不在甘昇一豎子明矣。吾意先生當必有奇謀秘策。能使宋室再造。免於屈辱。呼吸俄頃。危而安弱。而彊幼學壯行。正其時矣。乃曾不聞嘉謀嘉猷。入告爾后。而直以內侍爲言。是爲當務之急。與或者聖人正

藏書
卷三十五
心誠意之學直爲內侍一身而設顧不在夫夷狄中國之
強弱也則又何貴於正心誠意爲也然自古及今以能去
小人謂爲君子者多矣獨先生哉快一已之喜惡流無窮
之毒害僞學之禁有以也

陳俊卿

陳俊卿興化人登進士第授泉州觀察推官金主亮渡淮
俊卿受詔整浙西水軍李寶因之遂有膠西之捷孝宗受
禪遷中書舍人時孝宗志在興復以俊卿沈靖有謀使以
本職充江淮宣撫判官兼權建康府事俊卿奏曰吳璘孤
軍深入敵悉衆拒戰父不決危道也兩淮事勢已急盍分

遣舟師直擣山東、彼必還師自救、則璘得乘勝以定關中矣。會和議方堅、詔璘班師。俊卿遂還。乾道八年、除吏部侍郎、同修國史、論人才當以氣節爲主。拜同知樞密院事、授尚書右僕射。虞允文宣撫四川、俊卿薦其才堪宰相。五年、召爲樞密使。至則以爲右相、而自爲左相。俊卿以兩淮備禦未設、請於楊和各屯三萬人、仍籍民家三丁取一、以爲義兵。授之弓弩、農隙則給以兩月之食、聚而教之。沿江州郡亦用其法。諸將渡江、則使之城守、以備緩急。且以陰制州兵、頡頏之患、詔卽行之。而竟爲衆論所持、尋亦去位。不及成也。後以少師魏國公致仕。薨年七十四。

真德秀

真德秀字希元浦城人登進士第授南劍州判官嘉定四年進禮部郎六年遷起居舍人十四年上疏言朱熹彭龜年以抗論逐呂祖儉周端朝以上書斥當時近臣猶有爭之者其後呂祖泰之貶非惟近臣莫敢言而臺諫且出力以擠之則嘉泰之失已深於慶元矣更化之初羣賢皆得自奮未幾傅伯成以諫官論事去蔡初學以詞臣論事去鄒應龍又繼以封駁論事去是數人者非能大有所矯拂已皆不容于朝矣時史彌遠方以爵祿縻天下士德秀遂力請出爲江東轉運副使遷知泉州理宗卽位召爲中書

舍人尋擢禮部侍郎直學士院德秀因經筵侍上進曰此
高孝二祖儲神燕閒之地仰瞻楹桷當如二祖在上惟學
可以明此心惟敬可以存此心惟親君子可以維持此心
上皆虛心開納而宰相史彌遠益嚴憚之給事中王槩及
御史梁成大等相繼論劾乃落職既歸修讀書記語門人
曰此人君爲治之門如有用我者執此以往紹定五年復
起知泉州迎者塞路深山百歲之老亦扶杖而出城中歡
聲動地彌遠卒上親政聞金滅京湖帥奉露布圖上八陵
而江淮有進取潼關黃河之議矣德秀乃上封事曰移江
淮甲兵以守無用之空城運江淮金穀以治不耕之廢壤

富庶之效未期、根本之弊立見、惟陛下審之重之、召爲戶部尚書、入見、以大學衍義進、改翰林學士、知制誥、已得疾、拜參知政事、德秀長身廣額、容顏如玉、望之者無不以公輔期之、立朝不滿十載、奏疏無慮數十萬言、直聲震朝廷、宦遊所至、惠政深洽、由是中外交頌、都城人時驚傳、頃洞奔擁出關、曰、真直院至矣、填塞聚視者不置、時相益忌、以故輒擯不用、端平元年、上旣親政、赫然獨斷、鄭清之又慨然以天下爲已任、召真德秀、魏了翁、崔與之等、皆相繼爲相、惟與之終始辭不至、故時號爲小元祐焉、然是時金雖亡、而清之挑敵入洛之師、又大潰、兵民死者數十萬、中外

大耗杜範攻清之誤國、謂其貪黷尤甚於前、而德秀奏言、此皆前者權臣玩愒之罪、非今日宰相措置之失也、譬如和扁繼庸醫之後、一藥之悞、代爲庸醫受責、然旣有一藥之悞矣、藥其可以悞下乎、况垂命之人哉、宋至是蓋奄奄垂命之人也、哀哉、

廉希憲 此人大用得

廉希憲、布魯海牙子也、世祖爲皇弟時、希憲年十九得入侍、一日讀孟子、以性善義利仁暴之旨對、世祖嘉之、目曰廉孟子、初世祖受命、憲宗經理河南關右、己未渡江、取鄂州、命希憲入籍府庫、希憲引儒生百餘拜伏軍門、言王師


渡江凡軍中俘獲士人宜官購遣還以廣異恩世祖嘉納之還者五百餘人憲宗崩訃聞希憲啓曰殿下太祖的孫先皇母弟前征雲南尅期撫定及今南伐率先渡江天道可知今先皇奄棄萬國神器無主願速還京正大號以安天下世祖然之乃卽位分漢地爲十道併京兆四川爲一而以希憲爲宣撫使太平霍魯海聞希憲將至乘驛入京兆密謀爲變時有斷事官潤濶出遣使來告渾都海反云已遣人至成都及青居諭密里乞台等各以兵來援又與蒙古軍奧魯官等金帛使盡起新軍又約太平霍魯海同日俱發希憲得報遂遣萬戶劉黑馬捕太平霍魯海及其

黨獲之。復遣劉黑馬誅密里總師汪惟正。誅乞台時關中無兵。希憲命汪惟良將奉輦諸軍進六盤。惟良以未得上旨爲辭。希憲卽解所佩虎符銀印授之。曰：「此皆身承密旨。」君但成事制符已飛奏矣。又付銀一萬五千兩以充功賞。出庫幣製軍衣。惟良遂行。又發蜀卒更戍及在家餘丁推節制諸軍。蒙古官入春將之。謂之曰：「君所將之衆未經訓練。六盤兵精。勿與爭鋒。但張聲勢使不得東而已。」會有詔赦至。希憲命絞太平等於獄。尸於道。乃出迎詔而遣使自劾。停赦行刑。徵調諸軍。擅以惟良爲帥等罪。世祖深善之。別賜金虎符。使節制諸軍事。時西川將紐鄰奧魯官將舉

兵應渾都海八春獲之繫其黨五千餘人于乾州獄而先
送二人至京兆希憲謂僚佐曰渾都海不能乘勢東來保
無他慮但今衆志未一彼軍或見其將校執囚別生他心
耳可因其懼死並加寬釋就發此軍餘丁往隸八春上策
也初八春旣執諸校其中疑懼果駭亂四出及是諸校獲
全紐鄰奧魯官得釋反大喜過望八春果得精騎數千將
與俱西渾都海聞京兆有備遂西渡河趨甘州適阿藍荅
兒復自和林提兵與之合分結隴蜀諸將又使紐鄰兄宿
敦爲書招紐鄰於是渾都海阿藍荅兒合軍而來諸將失
利河右大震朝議欲棄兩川退守興元希憲力言不可乃

止會親王合丹及汪惟良八春等合兵復戰既陣大敗
沙惟良令軍士下馬以短兵突其左繞出陣後潰其右而
出八春直擣其前合丹勒精騎邀其歸路大戰於西涼大
敗之俘斬略盡得二叛首梟之于京兆市事聞帝大嘉之
曰希憲真男子也時希憲年三十矣世祖誅其黨而釋之
希憲奏四川降民皆散處山谷宜申勅軍吏禁止俘掠違
者千戶以下與犯人同罪又禁諸人無販易生口由是四
川遂安宋將劉整以瀘州降盡繫前歸宋者數百人希憲
奏釋之宋將家屬之在北者歲給其糧仕於宋者子弟得
越界省覲於是人人感悅乃詔希憲還京進中書平章政

事希憲每奏帝前無少回惜帝曰卿昔事王府多所容受
今爲天子臣乃爾木強耶希憲對曰王府事輕天下事重
時方尊禮國師命希憲受戒對曰臣受孔子戒矣帝曰孔
子亦有戒乎對曰爲臣當忠爲子當孝孔子之戒也十二
年右丞阿里海牙下江陵圖地形上於朝請命重臣開府
鎮之帝使希憲行省荆南希憲至鎮阿里海牙率其屬郊
迎望拜塵中荆人大駭卽首錄宋故宣撫制置二司幕僚
能任事者以備采訪左右難之希憲曰今皆國家臣子也
何用致疑乎凡俘獲之人敢殺者以故殺平人論爲軍人
所虜病而棄之者許人收養病愈故主不得復有立契券



兆以樞爲勸農使專教民耕植五年或讒忽必烈得中土
人心蒙古主遣荅兒行省事于京兆鈞考諸路財賦置局
關中忽必烈不樂姚樞曰帝君也大王爲皇弟臣也事難
與較莫若盡王邸妃主自歸朝廷爲久居謀及忽必烈見
蒙古主皆泣下竟不令有所白而止樞之謀也

虞集

虞集字伯生宋丞相允文五世孫也宋亡集父汲僑居臨
川與吳澄爲友娶楊氏乃國子祭酒文仲之女咸淳間文
仲守衡以汲從汲未有子文仲爲禱於南嶽集之將生文
仲晨起衣冠坐而假寐夢一道士至前牙兵啓曰南嶽真

人來見、旣覺聞、甥館得男、心頗異之。歲乙亥、汲挈家趨嶺外、楊氏爲集口授論語、孟子、左氏、及歐蘇諸文、比還長沙、始就外傳、得刻本、則集以盡讀、諸經通其大義矣。文仲世以春秋名家、楊氏在室、盡通其說、故集與弟槃皆受業內廷、出則以契家子從吳澄遊、授受具有源委。仁宗卽位、除翰林待制、兼國史院編修官。泰定初、考試禮部、言於同列曰、國家科目之法、諸經傳注各有所主者、將以一道德、同風俗、非欲使學者專門擅業、如近代五經學究之固陋也。聖經深遠、非一言可盡、試藝之文、但推其當者取之、不必立定主意、若先定主意、則求賢之心狹矣。拜翰林直學士。

兼國子祭酒講罷因言京師恃東南海運而實竭民力以
航不測乃進曰京東瀕海數千里皆萑葦之場北極遼海
南濱青齊海潮日至淤爲沃壤久矣苟用浙人之法築堤
捍水以爲田聽富民欲得官者分授其地而官爲之限能
以萬夫耕者授以萬夫之田爲萬夫之長千夫百夫亦如
之三年視其成則以地之高下定額于朝而以次征之五
年有積蓄乃命以官就所儲給以祿十年則佩之符印俾
得以傳子孫則東南民兵數萬可以近衛京師外禦島夷
遠寬東南海運之力內獲富民得官之用游食之民得有
所歸自然不至爲盜矣說者不一事遂寢然其後海口萬

戶之設大略宗之文宗在潛邸已知集名卽位命集仍兼
經筵除奎章閣侍書學士有旨采輯本朝典故倣唐宋會
要修經世大典命集專領其事再閱歲書成至正八年病
卒年七十七集常闢書舍二室左室書陶淵明詩於壁題
曰陶庵右室書邵堯夫詩題曰邵庵故世稱邵庵先生其
交游尤厚者范梈元明善明善言集治諸經惟朱子所定
者耳自漢以來先儒嘗盡心者考之殊未博集亦言凡爲
文辭得所欲言而止必如明善云若雷霆之震驚鬼神之
靈變然後可非性情之正也二人初相得至京師乃復不
相下董士選之自中臺行省江浙也二人者俱送出都門

士選曰伯生以教導爲職當早還復初宜更送我集還明

善送至二十里外士選乃下馬入邸舍舉酒屬明善曰士

選以功臣子出入臺省無補國家惟求得佳士爲朝廷之

用如復初與伯生他日必皆光顯然恐不免爲人構間今

爲我飲此酒切勿如是明善受卮酒跪而醺之起立言曰

誠如公言不待他日今已隙開矣請公再賜二卮明善不

敢忘也乃再飲而別後真人吳全節求明善文旣成明善

謂全節曰伯生見吾文必有譏彈成季爲我治具招伯生

來觀之集至讀其文曰公能從集言去百餘字乎明善卽

泚筆屬集凡刪百二十字而文益當明善大喜遂驩好如

可○以○出○涕○

高○人○

初。

